

明治新刻

國史略

石村貞一編輯

一

11

53b

卷之一目次

光孝天皇	文德天皇	嵯峨天皇	光仁天皇	孝謙天皇	元明天皇	天武天皇	齊明天皇	舒明天皇	用明天皇	宣化天皇	武烈天皇	清寧天皇	允恭天皇	仁德天皇	成務天皇	崇神天皇	孝靈天皇	懿德天皇	神武天皇	伊弉諾尊	伊弉諾尊	泥上煮尊	國常立尊	
字多天皇	清和天皇	淳和天皇	桓武天皇	淳仁天皇	元正天皇	持統天皇	天智天皇	崇峻天皇	欽明天皇	顯宗天皇	繼體天皇	安閑天皇	顯宗天皇	安閑天皇	履仲天皇	垂仁天皇	孝昭天皇	孝元天皇	孝昭天皇	孝元天皇	孝昭天皇	孝元天皇	孝昭天皇	孝元天皇
醍醐天皇	陽成天皇	仁明天皇	平城天皇	稱徳天皇	文武天皇	文武天皇	弘文天皇	孝徳天皇	推古天皇	敏達天皇	安閑天皇	仁賢天皇	雄略天皇	反正天皇	應神天皇	景行天皇	開化天皇	安寧天皇	安寧天皇	安寧天皇	安寧天皇	安寧天皇	安寧天皇	安寧天皇

大日本教育會館
第二室
二七號
三架
三五號
七冊
函架號

0 1 2 3 4 5 6 7 8 9 10 1 2 3 4 5

始



桐陰石邨貞編輯



明治新刻

國史略

版權免許

明治十三年一月十七日

東生書館藏

新刊
易經



國史略

集賢堂
圖書
藏

特31
817
11
53口



國史略序



世祿之家。多有譜牒。匹夫之家。或藏祖先行狀。國史者。譜牒行狀之集大成者也。國史畧者。又撮其要也。

余嘗謂人之言行。多由念其祖德。而成修能之美。詩曰。毋念爾祖。聿修其德。屈子曰。帝高陽之苗裔兮。朕皇考曰伯庸。屈子豈徒以

其祖考自矜哉。誠思其生於世祿之家。居于匡輔之地。苟可以悟君改俗。則讒間在所不顧。諫死在所不辭也。以是知屈子之忠潔。

雖由其性與學。而亦未必
非念祖德之使然也。又以
是知凡人之礪行顯名者。
成乎欲光榮其宗國。不墜
其家聲之心也。審知此。則

小而家譜。大而國史。使人
起愛國之心。其所關係匪
細故也。蓋嘗默然而自念
焉。我生於何國乎。曰。五
帝國之大日本也。國建于

何時乎。曰。自

人皇肇基。以至乎今。二千五

百有餘年矣。曰。孰為始祖。

曰。

大日靈尊。實始君臨之。而闡

國之民。為之苗裔。

列聖相承。綿無極。夫揭尊

號於東海。歷世久遠。而文

物之美。政教之懿。凡在東

洋。除唐國外。孰有尚於我

國者乎。每念一及此。則愛國之心。油然而生。將必自奮曰。我既為神聖之裔。何以能壯前猷而增國華乎。我既為

帝國之民。何以能修文德而厚國力乎。又將自憂曰。自通歐米。我舊弊如改。而善者亦去。新利雖生。而害者或來。我何以能興實利。

而圖謀富強乎。何以能存
真善。以維持獨立乎。於是
乎。人各務以一身。任全國
之一分。或黽勉職業。以供
國之有用。或切磋學藝。以

圖國之福利。如此則舉國
之人。莫不勉強勞苦。而國
其有不光榮昌盛者乎。此
實由乎念祖德。畏天命焉。
而使人知之者。國史也。國

史之利用。大矣哉。石邨貞
 一君著國史畧。乞余序。受
 而閱之。體裁得宜。事蹟瞭
 然。可謂撮其要者矣。余故
 不敢辭。論國史之所以使

人起愛國之心。如此。

明治十年三月

敬宇中邨正直撰



梧樓金井之恭書



國史畧後序

古往今來莫非一大活劇也而曲盡生旦淨丑之態使人恍如身莅其境目擊其狀者史筆也然而同一

脚色也一則有足使觀者
喜笑怒罵不知手舞足蹈
一則使人不終齟而欲去
何也皆出于演技者之巧
拙耳今日坊間史本盛行

不下數十種其中不無妍
媸之別焉至如石村君所
撰國史畧一部義例褒貶
俱得其當予固無疑其博
觀者之喜怒罵笑也姑書

以質諸世上之非矮人者
 明治十年一月五日瓊江
 何禮之識于盈科書館之
 還讀處



桂洲伊藤信平書



國史略序

史有三難焉曰博採曰記實曰
 巧文三者闕一則不足稱史也
 夫古今書可供史料者二西不
 啻今見其一說而從之安為博
 採且其書所記千差萬異苟考

證不明確而想像臆斷安為記
實假今所採博而所記實其文
不巧則亦不能窺當時情況已
供後人觀感三者相資而後可
改傳於世古久謂非備才學識
三長者不能著史信有以也古

者

朝廷有史官以記天下事中立
曰降政出於相家或歸於將門
官失其舊無遺史記者其或有
之皆係私史私史除水戶藩大
日本史賴子成日本外史等外

鮮有能備此三長者矣及至明治中興之後政復其古大開史局廣選文士以脩史蓋用數十刀火勿經歲月出久而猶未竣功著史之難可已見之頃日及久后却桐陰捨記首

神武天皇至

今上天皇上下二千五百餘年之事名曰國史略分爲若干卷觀其引用書目不下五百餘部可謂博採矣若夫記事之實此文出巧與否則讀者目與心謀焉

可改知也抑余亦嘗為兒童著
 內國史略其事則略其文則間
 假字固非可已與此編並論者
 矣猶且覺其難焉唯其自知其
 難是以知桐陰之著之愈難也
 而桐陰則臥一久之力僅閱十

數月容易成出所謂備三鼠者
 耶非耶是為序

明治十三年三月四日識於東
 京環碧樓 南摩細紀



帝河三兼書



重刻國史略序

昔者司馬溫公著資治通鑑助以
劉恕范祖禹等十有九年而成猶
謂不保無牴牾也修史之難如此
余曩編國史略書肆萬卷樓主人
攜去上梓余常置之座右訂正改

補三易裘葛而疑議來往胸間者益多隨減隨生蓋此編纔數冊而記上下三千餘年之事參証之書四百餘部更得一百六十餘部照對審察抉擿幽隱究悉顛末欲以免鹵莽之譏而未能也頃書肆請

更刻小冊余辭之強請再四乃取稿本授之然余意有未慊者今後經數年又必有所改正也嘗聞日光神庫藏德川氏實記八百餘卷修史館記前朝之事頗有取于此書而余未得見大以爲憾他日得

觀此書參互訂正則雖不能及通鑑之精校亦有慊余意者歟

明治十二年十月神嘗祭日識于東京桐陰書屋 石村貞一



自序

夫史之為用也大矣。蓋所以鑒於古而戒乎今也。然世代久則史籍浩瀚。人文開則事務繁擾。在今日修國史者。焉可不避煩難而就簡捷乎。是以予竊節略正史。旁採稗官野乘。上自太古。下至今世。約為史略。文雖疎野。

庶可以觀國家治亂。典禮沿革之大略矣。今商推古今。其大勢蓋五變矣。上古封建之時。政出王室。至大化。始置國司郡領。封建悉廢。天下之勢一變矣。大寶以後。制度大備。典章可觀。然外戚寢盛。政歸攝關。勢又變矣。及有承平天慶之變也。遂胚胎於平源。

迭興之勢。文治建久之時。大權悉歸武臣。諸國置守護地頭。勢又一變矣。元弘建武之變。釀南北分爭之勢。而應仁文明之際。大權遂墜於管領之手。降至元龜天正之際。亂離之極。群雄割據。侵伐吞噬。天下不復知大權之所在。至是勢又一變矣。慶長元和

之際。雖一舉其大權。未能推焉。以歸之朝廷。及慶應明治之際。豪傑輩出。唱大義。收千歲不可拔之大權。以復之朝廷。諸侯爭奉還封土。至是勢又大變矣。爾後駸駸乎進而不止。以至今日之隆也。實可謂金聲玉振之美哉。嗚呼。自今視古。國家治亂之所由。


典章沿革之所起。猶可以爲殷鑒。而後之視今。亦猶今之視古也。然則史之爲用。不亦大乎。此書舉綱提目。撮要削煩。而是非得失。榷槩可觀矣。爲資治之用。庶乎亦有所鑑戒矣。

明治十年一月二十四日

桐陰 石村貞一撰

皇統

正統




皇統繼承略譜



正統
閏位




國史圖第一册 附圖

高麗卷棟齋






琉球諸島



北海道千島



歷代遷都地名

日向宮	大曲	大境	近志	江賀	攝波	大穴	大廣	大玉	大幸	大岡	近滋	山城	大平	山平	城平
神武	懿德	孝元	景行	仁德	安仁	安仁	仁賢	敏達	舒明	極聖	天智	聖武	光仁	同光	後鳥羽
大檀	大池	大率	長浦	門市	大朝	大列	大橋	大雙	大豐	大津	大淨	大難	大長	大東	武東
同昭	孝昭	開化	仲哀	履仲	雄烈	武烈	安烈	用明	孝德	天德	天武	桓武	武上	今上	今上
大高	大秋	大瑞	大雅	大柴	大夔	大綴	大廬	大倉	大岡	大藤	大平	大平	大平	大平	大平
安靖	孝安	崇神	神功	正后	清寧	繼體	宣化	崇峻	崇峻	持統	文武	孝德	同德	同德	同德
大浮	大盧	大珠	大豐	大飛	大八	大乙	大金	大豐	大廣	大平	大保	大福	大福	大福	大福
安寧	孝靈	垂仁	應神	允恭	顯宗	同宗	欽明	推古	元明	元明	淳仁	安德	安德	安德	安德

國史略

凡例

一日本書紀以下。正史所記固雖實錄。史官書當時之事。不能無隱諱。而是非得失。頗有失其實者。六國史以後。世無正史。稱官野乘。紛然雜出。是非淆亂。莫以折衷。後世何以考哉。於是節略舊史。旁攷稗官野乘。約為史略。雖記載無統。於攷治亂得失之蹟。可觀其大略也。

一日本書紀。以國常立尊為元始。以國狹槌尊列之。古事記。則始於天之御中主神。四神相承而後。至

國之常立神。又以角杵活杵二神列大統。書紀則反之。今以其正史從書紀。

一國史稱上古曰神代。而後人以為懸絕人世者。或云正史記上世之事。頗涉奇怪者。是自古朝廷詭祕其事。有深意存焉。今從其說。不分神人二代。自上古至今代。以為一紀。

一元弘延元之後。舊誌多以北朝為正統。而大日本史以南朝為正統。北朝為閏位。故今循其例。

一諸神天皇及詔敕。皆不擡頭闕字者。要其簡短耳。非敢欠尊崇也。

一立皇后立太子。及其崩薨。雖係國家大典。其無異故者。不悉書焉。亦從簡也。

一諸山陵。人民亦不可不知之。故一一詳記。不復憚其煩。

一攝關將軍。除任罷薨皆書。其餘除任薨卒。有關係者書之。

一制度沿革。係原始者。書之。

一凡事跡。舉其大綱。而略細目。故雖正史一一註其所出。以優讀者。考索。

一在古人之後。議古人之事。則易。處古人之位。為古

人之事則難矣。故不敢輕立論以褒貶。

一自嘉永癸丑。至明治戊辰。內訌外患並起。紛紜錯綜。不易知其端緒。故記之者。往往失其實。今徵之官牒及諸家記錄。又就當時關其事。而今猶現在者質之。參以余所聞見。若其月日及人名。或有與他書不同者。皆有所確據。非以臆斷之也。

士剛氏識

國史略

目次

卷之一

國常立尊至

醍醐天皇

卷之二

朱雀天皇至

仲恭天皇

卷之三

後堀河天皇至

後柏原天皇

卷之四

後奈良天皇至

明正天皇

卷之五

後光明天皇至

後桃園天皇

卷之六

光格天皇至

孝明天皇

卷之七

今上天皇

目次終

國史略

引用書目

日本書紀

續日本紀

日本後紀

續日本後紀

文德實錄

三代實錄

舊事本紀

古事記

延喜式

古語拾遺

姓氏錄

令義解

水鏡

神皇正統記

皇代記

皇年代略記

愚管抄	公卿補任
延喜儀式帳	一代要記
釋日本記	拾芥抄
太子傳曆	扶桑略記
日本紀略	東國通鑑
唐書	十訓抄
懷風藻	師元年中行事
公事根源	五事略
皇胤紹運錄	諡號雜記
元亨釋書	古昔物語

松浦社緣起	日本高僧傳
東大寺要錄	王維集
李白集	古今和歌集
古今集抄	類聚三代格
類聚國史	經國集
貴女抄	江談抄
天台座主記	歷代皇紀
惟貞傳殘編	後拾遺往生傳
石清水緣起	中右記
大鏡	宇治拾遺物語

都氏文集	本朝麗藻
玉海 <small>初名玉葉 有別記</small>	古事談
保則傳	西宮記
大鏡裏書	攝關傳
菅家文章	源平盛衰記
年中行事祕抄	小右記
政事要略	寬平遺誠
仁和寺御傳	古今著聞集
本朝文粹	梅城錄
荏柄緣起	朝野群載

正徹物語	將門記
李部王外記	八雲御抄
帝王編年記	禁祕抄
百鍊抄	榮花物語 <small>一名世 繼物語</small>
宋史	文獻通考
權記	尊卑分脈 <small>印本題 大系圖</small>
法住寺攝政記	續本朝往生傳
左經記	今昔物語
本朝書籍目錄	陸奥話記
康平記	今鏡 <small>一名續世繼 物語增鏡</small>

續古事談	水左記
源氏系圖	奧州後二年記
長秋記	本朝世紀
職原抄	台記 <small>一名宇治左大臣記</small>
保元物語	崇德帝即位記
人車記 <small>一名兵範記又平洞記或平信記平兵部記</small>	諸宗開基表
水日記	太政官日誌
吉記	平治物語
袋艸子	顯廣王記
山槐記	

愚昧記	明月記
女院小傳	平家物語
東鑑	長門本平家物語
仲資王記	高倉院昇遐記
保曆間記	祕訓抄
俊成家集	諸家系圖纂
西行物語	八阪本平家物語
三長記	毘沙門堂所藏記
承久記	神明鑑
親鸞傳繪	玉藻

仁和寺日記	仁和寺書籍目錄
紹運要略	將軍執權次第
太平記	五代帝王物語
平戶記	簾中抄
明惠傳	後中記
吉續記	葉黃記 <small>一名葉禪記</small>
徒然艸	伏見院御中陰記
閨中抄	關東評定傳
元史	法皇外記
文應皇帝外記	日蓮注畫讚

八幡愚童訓	一遍傳
遊行略傳	敕撰次第
伏見院御記	天祚禮祀職掌錄
梅松論	園太曆
妙心寺六祖傳	尺素往來
藏人補任	常樂記
元弘日記裏書	毛利家本太平記
伯耆卷	光明寺藏書殘編
建武二年記	新葉和歌集
三刀屋文書	難太平記

李花集	石清水回祿記
吉野拾遺	關城書裏書
祇園修行日記裏書	結城文書
別府文書	東寺長者補任
天正本太平記	五壇法略記抄
喜連川系圖	足利系圖
後愚昧記	賴之記
花營三代記	鳩嶺雜事記
前王廟陵記	後嵯峨院皇統系圖
嘉喜門院集	後深心院關白記

吉川家傳	菊池武朝申狀
古本帝王系圖	高野山文書
豫章記	鎌倉大艸紙
赤松系圖	明德記
薩戒記	二條家記
足利家傳	年立抄
足利官位記	北山行幸記
應永記	足利家譜
善隣國寶記	如是院年代記
續神皇正統記	後小松帝昇遐記

椿葉記	足利判鑑
湘山星移集	和漢合符
僧齋英大日本傳	一休年譜
康富記	看聞御記
公名記	建內記
永錄年代記	劫濁發心集
結城戰場記	宣胤記
東寺過去帳	文正年代記
諸門跡譜	永享記
嘉吉記	和漢合運曆

天地根元歷代圖	海東諸國記
南方紀傳	長祿記
應仁記	應仁外記
上月記	重編應仁記
寬正記	丹華若木集
梅花無盡藏	山霞
山賤記	親長記
京都將軍家譜	應仁別記
佐佐木系圖	總見記
長興記	京華集

永亨行幸記	茶湯傳書
喜連川判鑑	東山殿日記
細川系圖	足利季世記
加越鬪爭記	文錄清談
北條記	甲陽軍鑑
和長記	關東兵亂記
天正年代記	畠山系圖
三略秘抄事記	政元記
巖助記	宗系圖
武家記	松前系圖

池藻屑	赤松記
毛利家記	二水記
菅別記	二川分流記
九州記	九州治亂記
畿内兵亂記	龍造寺記
室町殿日記	織田信長譜
北條五代記	安西軍策
義隆記	武德大成
武備志	南浦集
大友記	信長記

政秀寺記	山陵志
御湯殿日記	太閤記
豐臣秀臣譜	龍造寺記
勢州軍記	北畠國司系圖
寬永系圖	淺井三代記
武家閑談	長崎實記
惟任退治記	謙信軍記
阿彌陀寺記錄	家忠日記
山城志	帝王略記
時慶記	王代一覽

聚樂第行幸記	豐鑑
朝鮮征伐記	懲愆錄
隱峯野史	清正記
明史	大友系圖
朝鮮征伐記補遺	關原合戰誌
耶蘇渡來記	南蠻寺興廢記
舊章錄	平壤錄
關原記大全	大谷本願寺嫡庶實記
逸史	御年譜
續王代一覽	一本續王代一覽

藩翰譜	落穂集
殊號事略	孝亮記
十三朝紀聞 <small>一名慶弘記聞</small>	國史實錄
艸廬筆談	御朱印記
高臺夫人墓誌銘	君臣言行錄
通航一覽	琉球征伐記
神鏡記談	華夷通商考
太平年表	長崎日記
參松傳	皇胤紹運續錄
駿河土産	南聘紀考

沖繩志	崎陽拾芥
有馬家譜	秀賴事記
安永武鑑	金城祕韞
禪宗普化派略	寺社奉行所相談書留
東遷基業	難波軍記
難波戰記	徳川記
大阪記	眞田記
御撰大阪記	横田覺書
元寛日記	梵舜日記
慶祿記	澀谷手録

武野燭談	東照宮御遺訓
御選日記	翁艸
外蕃通書	先哲叢談
野史纂略	元和小說
大久保武藏鎧	松平家譜
異國日記	寬明日記
結毘錄	崎陽實錄
駿府記	近代帝王系圖
當事年中行事	蓋簪錄
柳營祕鑑	風也集

長崎夜話	崎陽雜記
昌平志	弘賢覺書 同追加
耶蘇天誅記	原城記事
耶蘇征伐記	武家譜
正保野史	華夷變態
東叡山子院歷代主僧記	
柳營譜略	徳川系圖
皇代記事	弘賢筆記
武家隱見錄	鄭氏記事
鄭成功傳	道春年譜

水月名鑑	慶安太平記
常山記談	尚齋雜談
鳩巢小說	鳩巢雜話
槐記	宗五郎訴書
外蕃通書	地藏堂通夜物語
萬天日記	酒井家譜
伊達家記	板倉家譜
井伊家譜	西山遺事
憲廟實記	大久保家譜
芝屋隨筆	元陵御記

宗建記	武江圖說
松陰記	芭蕉翁終焉記
小笠原家譜	戶田家譜
文話雜記	契仲遺事
赤穂義人錄	烈士報讐錄
一本柳營譜略	四十七士傳
富嶽進志	天野屋利兵衛傳
三松傳	寶永新令 <small>同附錄</small>
國朝記	文露叢
折焚柴記	宗家譜

白石遺文	享保通鑒
續太平年表	水戶家記
麟嶼遺稿序	庶物類纂
享保日記	天一坊實記
新益柳營秘鑑	一橋家譜
六物新志	讚諸錄
明君享保錄	雄藩逸史
川國雜談	續藩翰譜
岩井覺書	見聞艸
山縣大貳斷案宣告	切紙帳寫

鹿兒島名勝考	新著聞集
北窓瑣談	親王系圖
散狀畱	一本皇胤紹運續錄
和漢年契	經濟問答秘錄
亮信記	明政間記
天明造營地圖	亮壽記
塵泥記	中山家記
前哲林子平碑銘	出鱈目草紙
高山操志	寬政日記
回天詩史	村林筆記

忠貞筆記	環海異聞
寺社奉行所記錄	南部大膳大夫屆書
松前家譜	化政日記
亮續記	朝鮮來聘書付雷
大成武鑑	文政日記
天保日記	大阪一揆錄
賊焚記	山田筆記
遠藤但馬守屆書	加茂保行勘文
近世事情	大久保因幡守屆書
近代月表	四裔編年表

纂輯御系譜	今日抄
宣下雷	孝女阿米傳 <small>同碑銘</small>
米國往復書翰	陂理日本紀行
嘉永日記	魯國往復書簡
浦賀砲臺圖	近事紀略
水府老八密書	松陰略記
幽囚錄	咬嚼吧書簡
英國書翰	條約全書
條約類纂	太政官宣符
東湖碑銘	元治夢物語

懷古集	清狂傳
賜教始末	近世史略
評定所斷案	蓮田遺書
新選年表	長澤蒼翠上書
雲上明覽	振氣編
奉教始末	南山踏雲錄
常野紀聞	馬關日記
續皇朝戰略編	倉敷日記
御譜	山內容堂上書
明治史要 <small>同一編</small>	南舉錄

京阪雜記	討幕錄
慶明戰記	輦下日載
桑名戰記	四條家記
藤堂日記	妻木手記
東伏見宮家記	山陽南海征討記
維新實記	慶明雜錄
職官表	外務省記錄
毛利元德家記	續近事紀略
鎮將府日記	東山道戰記
仙臺藩記	伊地知正治日記

鈴木三郎筆記	東台戰記
行在所日誌	東山道叢紙
太政官布告	江城日誌
奧羽征討記	憲法類編
蝦夷日記	雨窓記聞
函館日記	大使信報
官途必攜	官等表
改置府縣槩表	太政官布達
巡御事載	學制
禮服圖	規則全書

佐賀征討記	文部省達
使清辨理始末	地方官會議日誌
教部省達	東洋新報
兵事新聞	警察日記
行在所達	御幸記
鹿兒島暴徒征討日記	<small>近衛一聯隊記</small>
西南戰鬪日記	戰報採錄
<small>田中手記</small>	
征討史略	西南追討日記
	<small>津田手記</small>
內務省達	內國博覽會記
西南電報錄	靜寬院宮墓誌銘

陸海軍省達

裁判所宣告

大藏省達

陸軍裁判所宣告

東京府達

星槎勝覽

南島志

琉球事略

上野公園御臨幸記

同拾遺

東京日報

通計六百二十四部

右以引用之順序記之故古今內外彙集臚列不敢分門立部覽者諒焉

引用書目終

國史略卷之一

長門

石村貞一 編輯

一物化為神

神世七代

開闢之初天地之中生一物狀如葦牙イハヒ化為神號國常立尊クニトコシノミコト次國狹槌尊ウツクサノミコト次豐斟淳尊トヨシヅノミコト凡三神獨化純男也次有神カミ湍土煎尊ハヒツチノミコト沙土煎尊サツチノミコト次大戶之道尊オホドノミチノミコト大苦邊尊オホクサヘノミコト次面足尊オモソクノミコト惶根尊オホコネノミコト次伊弉諾尊イハヒノミコト伊弉册尊イハヒノミコト凡八神男女偶生也是謂神世七代

天照大神一號大日靈貴尊オホヒルメノミコト伊弉諾尊イハヒノミコト長女也初諾册イハヒノミコト二尊立於天浮橋以天瓊矛探滄溟鋒滴凝成一島

諾冊二尊生天下之主大喜

群神會天安河奏樂

素戔鳴尊斬大蛇獲寶劍

名曰礮馭盧島二尊降而居焉遂生大八洲及山川草木議曰何不生天下之主歟即生大日靈貴日本書紀性質明麗二尊大喜照臨天地舊事記弟素戔鳴尊勇悍安忍放天班駒使伏大神御田復見大神新嘗時放戾新宮大神驚動入天石窟故六合闇黑不辨晝夜於是群神會天安河掘天香山真坂樹懸八阪瓊御統八咫鏡青白和幣奏樂相與祈請大神微開戶窺之手力雄神奉其手援出之日本書紀中國照明古事記群神歸罪於素戔鳴尊謫諸出雲尊到簸川上為脚摩乳手摩乳斬八岐大蛇割其尾獲一劍以獻大神

所謂草薙劍也。

正哉吾勝勝速日天忍穗耳尊素戔鳴尊之子大神取而子養焉。

天津彥彥火瓊瓊杵尊忍穗耳尊之子母栲幡千千姬

高皇產靈尊女也高皇產靈尊特鍾愛焉遂欲立為

葦原中國之主時中國有邪神令經津主神武甕槌

神平定之二神復命大神以八阪瓊曲玉及八咫鏡

草薙劍賜瓊瓊杵尊永以為天璽永字以下據令因義解延喜式

勅曰葦原千五百秋之瑞穗國是吾子孫可王之地

也宜皇孫就而治焉行矣寶祚之隆當與天壤無窮

三種神寶永為天璽

山陵今在薩摩國高城郡宮內村

矣。又使天兒屋命太玉命天細女命石凝姥命玉屋命侍焉。皇孫於是離天岩座降日向高千穗峰居久而崩葬日向可愛山陵。

彥火火出見尊瓊瓊杵尊第二子。母木花之開耶姬大

山祗神女尊有山幸利也。皇兄火闌降命有海幸相

謀試易之各無所獲。既而尊失其鉤無由訪覓作新

鉤與之火闌降命不受責故鉤益急尊大憂行吟海

畔逢鹽土老翁從其教到海神宮得失鉤及潮滿潮

涸二瓊然後久在而崩葬日向高屋山上陵。

彥波瀲武鸕鷀草葺不合尊彥火火出見尊子母豐玉

山陵今在大隅國始羅郡麓村

山陵今在大隅國肝屬郡上名村

姬海神豐玉彥女。日本書紀初豐玉姬臨產時造產殿於海邊以鵜羽為葺艸未葺合而尊既生因以為名。古事記崩西州宮葬日向吾平山上陵。

神武天皇諱彥火火出見一名狹野彥波瀲武鸕鷀草

葺不合尊第四子母玉依姬海神豐玉彥少女天皇

生而明達意確如也年十五立為太子。○元年辛酉春

正月天皇即位大和橿原宮。日本書紀先是甲寅歲天皇

在日向高千穗宮。古事記會諸皇族議曰此瑞穗之國

我祖宗之所受於天而運屬草昧居此西偏多歷年

所顧此四方未霑王澤遂使邑有君村有長各相陵

辛酉歲正月一日踐祚建元明治五年十一月二十五日詔為紀元

轆莫之能統一吾聞東方有美地山岳四周足以恢
 弘大業有饒速日命者稱出我祖支屬為長髓彥者
 所推先據有此吾將掃蕩之定都焉遂經營四方也
 十月親將發日向至速吸門得珍彥收為鄉導十二
 月至安藝居埃宮乙卯歲入吉備居高島官備舟楫
 蓄兵食戊午歲二月航抵浪速潮流至河內赴龍田
 路險隘乃東由膽駒山入大和長髓彥邀擊官軍于
 孔舍衙阪官軍不利皇兄五瀨命傷於矢薨乃退還
 示弱轉由紀伊入高倉下等歸順以為鄉導歷熊野
 之險出菟田道臣命為先鋒誅兄猾破八十梟帥于

高倉下歸順奉
導皇師

奉安天璽劍鏡
於正殿

奉齋天璽十種
瑞寶於殿內為
鎮魂祭

國見岳斬之又用珍彥計設疑兵殺兄磯城遂進攻
 長髓彥饒速日殺長髓彥來降己未歲分兵誅諸窟
 居賊盡定大和相畝傍山東南為國之壤區定為都
 焉至是即位立正妃媛踰鞮為皇后事代主神女
紀書天富命率諸忌部捧天璽劍奉安正殿天種子
 命奏天神壽詞可美真手命率內物部衛宮中道臣
 命率來目部護宮門可美真手饒速日之子也○十
 一月可美真手命奉齋瀛都鏡邊都鏡八握劍生玉
 足玉死反玉道反玉蛇比禮蜂比禮品物比禮於殿
 內為帝后崇鎮御魂祈禱壽祚所謂鎮魂祭始于此

舊事 ○二年_{壬申}二月論功行賞以珍彥為大和國造

劍根為葛城國造弟猾為猛田縣主弟磯城為磯城

縣主賜道臣命宅地八咫鳥等受賜有差○日本書紀

云賀茂縣主神魂命孫武津之身命之後也神日本

警余彥天皇欲向中洲之時鴨武津之身命化如大

鳥翔飛奉導遂達中洲天皇嘉其有功特褒賞八咫鳥之號從此始也可美真手天日

方奇日方竝為申食國政大夫舊事 ○四年_{甲子}立靈

時於鳥見山祀皇祖天神 ○七十六年_{丙子}春二月天

皇崩壽百二十七葬大和國畝傍山東北陵

綏靖天皇諱神渟名川耳神武天皇第三子也母媛踏

鞞五十鈴媛皇后事代主命大女帝風姿岐嶷少有

立靈時祀皇祖天神

三月十一日崩

紀元八十年庚辰歲正月八日踐祚

五月十日崩

紀元百十二年壬子歲七月三日踐祚

雄氣及壯沈毅善武技性純孝在諒闇悲慕無已庶
兄手研耳命代聽朝政威福由已遂謀大逆帝知之
密與兄神八井耳命謀為之備及山陵事畢伺其困
卧襲殺之神八井耳命戰懼不能射帝奪其弓矢射
殺之神八井耳歎曰吾不及汝武宜乎能承續大業
吾當為汝輔而已 ○元年_{庚辰}正月都葛城是謂高丘
宮 ○三十三年_{壬子}五月帝崩壽八十四葬大和桃花
鳥田丘上陵

安寧天皇諱磯城津彥玉手見綏靖天皇子母五十鈴
依媛皇后事代主命之少女 ○二年_{甲寅}遷都於片鹽

十二月六日崩

日浮孔宮○三十八年庚寅十二月帝崩壽五十七葬

大和畝傍山南御陰井上陵

紀元百五十一年辛卯歲二月四日踐祚

懿德天皇諱大日本彥耜友安寧天皇第二子母淳名

始置大臣

底仲媛皇后事代主命孫鴨主之女○二年壬辰遷都於輕地曰曲峽宮日本書紀○以出雲色為大臣舊事○

九月八日崩

三十四年甲子九月帝崩壽七十七日本書紀享年關古事記曰四十五

紀元百八十六年丙寅歲正月九日踐祚

孝昭天皇諱觀松彥香殖稻懿德天皇子母天豐津媛皇后息石耳命之女○元年丙寅七月遷都掖上是謂

沙溪上陵

八月五日崩

池心宮○八十三年戊子八月帝崩壽一百十四日本書紀

享年關今據立太子年葬大和掖上博多山上陵從神皇正統記皇代記

紀元二百六十九年己丑歲正月七日踐祚

孝安天皇諱日本足彥國押人孝昭天皇第二子母世襲足媛皇后瀛津世襲之女○二年庚寅遷居室地曰

秋津島宮○一百二年庚午正月帝崩壽一百三十七

正月九日崩

日本書紀享年關古事記曰百二十三歲今葬大和

據立太子年從水鏡皇代記皇年代畧記

玉手丘上陵

紀元三百七十一年辛未歲正月十二日踐祚

孝靈天皇諱大日本根子彥太瓊孝安天皇子母押媛

三月八日崩

皇后天足彥命之女○遷都黑田曰廬戶宮日本書紀○

七十六年丙戌二月帝崩壽一百二十八古事記曰百六歲水鏡百

三十四正統記百十今據立太子年二葬大和片丘
十六之文推之從愚管抄皇年代畧記

紀元四百四十七年丁亥
歲正月十四日
踐祚

孝元天皇諱大日本根子彥國牽孝靈天皇長子母細

媛皇后磯城縣主大目之女○四年庚遷都於輕地

九月二日
崩

名曰境原宮○五十七年未癸九月帝崩壽一百十六

九月二日
崩

葬大和輕劍池島上陵

紀元五百〇四年甲申歲
十一月十二日
踐祚

開化天皇諱稚日本根子彥大日日孝元天皇第二子

母鬱色謎皇后鬱色雄命之妹○遷都春日曰率川

四月九日
崩

宮○六十年未癸夏四月帝崩壽一百十五葬大和春
日率川坂本陵

紀元五百六十四年甲申
歲正月十三日
踐祚

崇神天皇諱御間城入彥五十瓊殖開化天皇第二子

也母伊香色謎皇后大綜麻杵之女帝性聰敏幼好

雄略及壯寬博謹慎恆有經綸大業之志○三年丙

遷都磯城曰瑞籬宮日本書紀○四年丁詔曰惟我皇祖

諸天皇等光臨宸極者豈為一身乎蓋所以司收人

神經綸天下故能世闡玄功時流至德舊事記○六年

己遷安神器於大和笠縫邑祀天照大神使皇女豐

鍬入姬常侍掌祀事先是列朝皆安神器於殿內同

牀卧起帝惧其褻瀆故有此舉日本書紀別摸造劍鏡置

之御座古語拾遺○七年庚十一月祭諸神定天社國社

祀天照大神於
大和笠縫邑

定天社國社

始置四道將軍

詔諸國始造船

神地神戶。○十年癸巳九月遣大彥命于北陸。武停川別于東海。吉備津彥于西道。道主于丹波。並授印綬。將兵巡按。有不受命者。聽征誅之。未發。武植安彥反。自山背。其妻吾田。自大阪共襲京師。帝命五十狹芹彥要擊。吾田命大彥及彥國葺擊。安彥于輪韓川南射殺之。十月大彥等發京師。日本書紀將軍始于此。神皇正統記○十一年甲午大彥等還。○十二年乙未校人民戶口。序壯老。課男女調役。初帝即位。數年飢疫盜起。帝憂惕勵精。求治至是。歲大稔。家給人足。民稱曰御肇國天皇。○十七年庚子詔諸國造船。日本書紀○六十五年

始置大連任那入貢外交始此

十二月五日崩

紀元六百三十二年壬辰歲正月二日踐祚

新羅王子歸化

狹穗彥謀逆伏誅

戊子正月。以武諸隅為大連。舊事記○任那遣蕪那曷叱知朝貢。外交始此。○六十八年辛卯十二月帝崩。壽一百二十。葬大和山邊道勾岡上陵。

垂仁天皇諱活目入彥五十狹茅。崇神天皇第三子。母御間城姬皇后。大彥命之女。○二年癸巳立狹穗姬為皇后。○遷都纏向。曰珠城宮。○遣歸蕪那曷叱知厚賜任那主。新羅人途要奪之。二國相仇怨始此。○三年甲午新羅王子天日槍歸化。○五年丙申狹穗彥反。伏誅。狹穗彥皇后兄也。陰圖不軌。誘后行逆。會帝幸來目高宮。枕后膝而寢。后思兄言。悲泣不禁。淚落帝面。

朝廷相撲儀始此

奉遷天照大神伊勢度會

帝寤謂后曰朕夢錦色小蛇逆頸有雨從狹穗來沾朕面是何祥也后告以實帝曰非汝罪命將討狹穗彦狹穗彦入城拒守后不忍坐視兄死抱皇子奔投城中詔狹穗彦奉還不奉詔后使人奉皇子出城而與兄同死○七年戊戌召野見宿禰與力人當麻蹶速角力宿禰踢其脅骨斃之朝廷有相撲儀始此日本書紀
○二十三年甲寅八月以大新河為大臣尋賜姓物部為大連舊事記 ○二十五年丙辰遷天照大神祠於伊勢度會建齋宮于五十鈴川上使皇女倭姬代豐鍬入姬奉齋焉○二十七年戊午始以兵器為祭幣是歲置

禁殉死

七月三日崩

紀元七百三十一年辛未歲七月十七日踐祚

屯倉于來目○二十八年己未皇弟和彥命薨以近臣殉葬帝聞其號泣聲惻然詔禁殉死○三十二年癸亥皇后日葉酸媛崩野見宿禰議葬儀以土偶殉帝嘉之定為永制以宿禰任土部職賜姓土部○三十五年丙寅詔諸國開池溝八百餘所以便灌溉民賴殷富○九十九年庚午七月帝崩壽一百四十一葬大和菅原伏見東陵

景行天皇諱大足彥忍代別垂仁天皇第三子母日葉酸媛皇后丹波道主王之女日本書紀帝容貌雄偉長一丈二寸古事記 ○四年甲戌行幸美濃既還○都纏向曰

熊襲反

日代宮○十二年壬午七月。熊襲反。八月。天皇親征。行

勦周芳豐前賊。十月。至日向。起行宮。曰高屋宮。熊襲

有二女。或獻策。誘之歸順。長女納欵。得從士一二。而

歸家。飲其父以醇酒。乃父醉臥。密斷其弦。使從士殺

之。帝惡其所為。誅之。以次女賜火國。造駐日向。六年。

筑紫悉平。乃還。○二十五年。遣武內宿禰巡察東

北諸國。還奏土地沃壤。民俗勇悍。可收為朝廷用。○

二十七年。西熊襲又反。命皇子小碓代征。召美濃尾

張射。手從之。尊時年十六。變服親詞賊巢。窺賊酋川

上臯帥。醉刺之。未殊。臯帥感其強勇。上尊號曰日本

武內宿禰巡察
蝦夷

日本武尊西征
誅八十梟帥

橘媛投海止風

連歌始此

武皇子言訖而殺之。自是稱日本武尊。既而餘衆降

服。乃還。○四十年庚戌。東夷反。遣日本武尊征之。吉備

武彥等副焉。○四十三年癸丑。日本武尊平東夷而還。

至伊勢。薨。初。尊至駿河。虜倭降。襲官軍。尊奮擊克之。

遂自相摸。航海抵上總。海上遇颶。船殆覆沒。時妃橘

媛從。曰。是海神為祟。妾願以身當之。自投海死。風止。

得濟。既而至甲斐。居酒折宮。是夜。尊唱歌。秉燭者續

其歌末。連歌始此。轉入陸奧。蝦夷降。附還。巡視上野

信濃。抵碓日嶺。東望懷橘媛。嘆曰。吾孀故號東陸。曰

吾孀國。使武彥分按越國。會美濃。平近江。賊獲病還。

日本武尊薨

獻俘伊勢神宮使武彥奏捷京師終薨能褒野年三十帝大悼惜造墓其地稱能褒野墓○五十二年癸亥帝東巡歷覽東海諸國還駐伊勢踰年乃還○五十五年丑遣宗室彥狹島王都督東山道諸國途病薨明年以其子御諸別王襲職討蝦夷未服者平之○五十八年戊辰行幸近江志賀號高穴穗宮○六十年庚午十一月帝崩壽一百六歲葬大和山邊道上陵

十一月十四日崩

紀元七百九十一年辛未歲正月五日踐祚

成務天皇諱稚足彥景行天皇第四子也母八阪入媛皇后八阪入彥之女日本書紀即位高穴穗宮古事記○三年癸酉以武內宿禰為大臣帝與宿禰同年生自幼相

六月十一日崩

親善景行帝嘗宴群臣帝及宿禰不至問之答曰百寮宴樂宿衛不可不戒景行嘉之遂立為儲貳以宿禰為棟梁之臣至繼位有此命○五年乙亥國郡立造長縣邑置稻置界山河分國縣隨阡陌定邑里東西為日縱南北為日橫山陽曰影面山陰曰背面○六年庚午六月帝崩壽一百有七葬大和狹城盾列池後陵

仲哀天皇諱足仲彥日本武尊第二子也母兩道入姬

紀元八百五十二年壬申歲正月十一日踐祚

垂仁天皇之女帝容姿端正身長十尺○二年癸酉正月立氣長足姬為皇后皇后開化天皇曾孫也○二

彦坐命子
山代大筒
城真若王
子加爾米
雷王子息
長宿禰王
女也
熊襲又反

二月六日
崩

神功皇后征新
羅

月行幸越前角鹿皇后及群臣從焉造行宮是謂筭
飯宮○三月帝南巡抵紀伊會熊襲反親帥舟師征
之遣使角鹿令皇后以下會于穴門居豐浦行宮○
八年己春進幸筑紫居香椎行宮○秋九月會群臣
議進討皇后以為先征新羅則熊襲自服矣帝不從
親戰不克日本書紀○九年庚辰春二月帝病崩于香椎宮
壽五十二古事記皇后與諸大臣謀秘不發喪令大連
大伴武以帥群臣守行宮而令武內宿禰密奉梓宮
殯於豐浦宮後葬河內惠我長野西陵皇后終決策
征新羅修船艦弓弩諭群臣曰此事不必諉之汝等

高麗百濟皆歸
欸

十二月十
四日生

紀元八百六
十年庚辰歲
二月六日踐祚

吾自當之事成共其功不成吾獨有罪於是遣鴨別
當熊襲而自齋戒禱神祇為男裝誓師而發冬十月
至新羅新羅主波沙寐錦惶遽出降后命納質子申
盟約徵金帛八十艘遂為歲貢定額高麗百濟並望
風歸欸乃置司戍兵振旅而還○十二月生皇子於
筑紫蚊田皇子腕上肉起似母后雄裝負鞬狀故名
譽田別初皇后有孕征三韓而還故稱胎中天皇胎中

字據繼
體紀

應神天皇諱譽田別仲哀天皇第四子也母神功皇后
氣長宿禰王之女日本書紀帝幼而聰達玄監深遠動容

進止聖表有契矣。舊事記○辛巳歲二月皇后奉帝至豐浦宮發仲哀帝喪將奉梓宮還京師時帝庶兄廢阪忍熊二王舉兵要之播磨皇后使武內奉帝航赴紀伊會廢阪暴薨忍熊退軍住吉皇后帥舟師直向難波忍熊又退軍菟道皇后與帝會命武內進擊忍熊忍熊敗走死瀨田○十月群臣尊皇后為皇太后臨朝攝政○癸未歲立帝為皇太子都磐余曰稚櫻宮○乙酉歲還新羅質子○丁卯歲百濟新羅共入貢皇太后皇太子大喜曰是先帝之所欲而所未見也群臣為之感動○己巳歲先是新羅奪百濟貢物

百濟新羅入貢

神功皇后崩攝政六十九年
四月辛酉
朝崩

役韓人穿池

相易而獻敕逐新羅使者遣使其國責問之至是遣荒田別等將兵援百濟討新羅破之遂定任那七國加賜於百濟○己丑歲四月皇太后崩攝政六十九年壽一百是為神功皇后葬狹城盾列池上陵○元年庚春正月帝即位日本書紀都輕島號明宮古事記○三年壬辰蝦夷入貢○初百濟枕流卒于阿花幼叔父辰斯篡立是歲遣紀角等責問之國人殺辰斯以謝角等立阿花而還○五年甲午定諸國海人山守部○七年丙申高麗百濟新羅任那入貢令武內宿禰役韓人穿池曰韓人池○九年戊戌遣武內宿禰巡察西海其

百濟貢良馬

王仁獻論語千字文

弟甘美內宿禰譏其密招三韓據筑紫謀反敕遣使案驗有真根子者貌類武內自殺以免之武內潛詣關自明敕面對質甘美內伏罪特赦死一等○十四年卯百濟王貢縫衣女○十五年甲辰百濟王使其子阿直岐貢良馬阿直岐通經典帝使皇子稚郎子師學焉阿直岐更薦其國秀士王仁日本書紀○十六年乙卯二月王仁率治工卓素吳服西素釀酒仁番等來獻論語十卷千字文一卷古事記文教之興始此神皇正統記○百濟王阿花卒敕遣歸阿直岐繼位○二十八年丁巳九月高麗使至表文倨嫚稚郎子奏劾責使者壞

遣使于吳求織縫女

二月十五日崩

紀元九百七十二年癸酉歲正月二日踐祚

仁德

表文○三十七年丙寅遣使於吳求織縫工女吳主遣兄媛弟媛吳織穴織四女○四十年己巳立皇子稚郎子為皇太子大鷦鷯大山守竝長帝特愛太子立之○四十一年庚午二月帝崩壽一百一十歲葬河內惠我藻伏崗陵

仁德天皇諱大鷦鷯應神天皇第四子母仲姬皇后品陀真若王女也○元年癸酉正月即位先是大山守皇子反帝知之密告皇太子誅之太子素知帝之賢欲禪位避之菟道固辭相讓三年貢獻者莫知所適太子遂自殺帝馳至慟哭群臣遂勸進即位○都難波

天皇登高臺望
炊烟察民隱

高麗入貢獻鐵
盾鐵的

號高津宮。○四年丙子二月帝登高望見人烟稀疏。知民貧痛自節儉。悉除租稅。三年。○七年己卯四月帝居臺上望見炊烟盛起喜語。皇后曰。朕既富矣。后曰。屋漏衣敝。何謂富乎。帝曰。天之立君為民也。民之富乃朕之富也。臣民請輸稅修宮。不聽。○十年壬午十月始科課役修宮室。百姓于來不日而成。○十一年癸未詔北河橫溢。下流不駛。每霖海潮逆上。民苦泥濘。宜鑿宮北地為渠通海。以全田宅。掘大溝。號曰掘江。又築茨田堤。○十二年甲申七月高麗入貢獻鐵盾鐵的。敕饗使者。令戶田宿禰射鐵的洞之。○十七年己丑新羅

宿儺伏誅

宿儺有兩面而合頂
四手四足
左右佩劍
多力越捷
云
正月十六
日崩
山陵今在
和泉國

不貢遣使責問乃貢絹物八十艘。○五十五年丁卯蝦夷反遣將軍田道征之軍敗死之後土人掘其冢有大蛇出咋虜殆盡。日本書紀○武內宿禰薨在官凡二百四十四年。水鏡公卿補任○六十四年丙子額田皇子獵于關雞見冰室獻其冰。○六十五年丁丑遣難波根子武振熊誅飛彈山賊宿儺。○八十七年己亥春正月帝崩壽一百一十歲。日本書紀享年關古事記為捌拾參歲。誤也。今從皇代記水鏡皇年代畧記。帝幼而聰明叡智容貌美麗及壯仁寬慈惠。舊事末年海內清平刑措二十餘歲。日本書紀稱謂聖帝。古事葬河內百舌鳥耳原中陵。延喜後割河內國置和泉國

紀元一千〇六十年庚子
履中天皇諱去來穗別仁德天皇長子也母磐之媛皇后葛城襲津彥女帝既除喪未即位納羽田黑媛為妃皇弟住吉仲伴稱帝姦之事露畏罪反舉兵圍宮帝方被酒卧諸大臣入告不信扶上馬奔河內至埴生阪而醒入大和發當麻兵遣皇弟瑞齒別討仲瑞齒別恐事平後或被疑請與平群木菟偕遂誘仲近臣刺領巾刺殺仲木菟請而誅刺領巾帝乃還〇元年庚子二月即位於磐余稚櫻宮〇二年辛丑十月平群木菟蘓我滿智物部伊笥佛葛城圓執政〇四年癸卯始置史官於諸國記言事通四方志〇六年乙巳始置

始置國史記言事

三月十五日崩
山陵今在和泉國

藏職因定藏部〇三月帝崩壽七十葬河內百舌鳥耳原南陵

紀元一千〇六十六年丙午歲正月二日踐祚
反正天皇諱瑞齒別履中天皇同母弟〇元年丙午遷都河內丹比曰柴籬宮〇六年辛亥正月帝崩壽六十葬

正月廿三日崩

河內百舌鳥耳原北陵山陵今在和泉國

紀元一千〇七十二年壬子歲十二月踐祚
允恭天皇諱雄朝津間稚子宿禰反正帝同母弟反正天皇崩無嗣群臣迎立帝帝遜讓不許群臣奉璽固請日本書紀遂即位於大和遠飛鳥宮古事記〇三年甲寅帝疾徵醫於新羅瘳厚賞遣歸〇四年乙卯詔定姓氏日本書紀帝憂姓氏混亂會內外百官詛盟曰勿得詐冒古事記

詔定姓氏

納衣通姬為妃

記○八年己未納衣通姬為妃。妃皇后妹。帝聞其絕艷

召之以皇后不憚。乃處之於河內茅渟宮。數託游獵

幸焉。○四十二年癸巳正月。帝崩。壽闕。葬河內惠我長

野北陵。

正月十四日崩

紀元一千一百一十三年

癸巳歲十二月十四日踐祚

安康天皇諱穴穗允。恭天皇第二子也。母忍阪大中姬

皇后。稚野毛二岐皇子之女。初皇太子木梨輕好色

通同母妹時。盛夏御膳羹冰。帝異之。命卜焉。知有內

亂。不忍罪太子。乃流皇女于伊豫。及先帝崩。淫虐益

甚。群臣不服。屬心於帝太子。知之。聚兵欲襲殺帝。帝

備兵自衛。太子慮不克。匿物部大前家。帝圍之。太子

立中蒂姬為皇后

自殺。帝遂即位。遷都石上。號穴穗宮。○二年壬辰以中

蒂姬為皇后。初帝欲為母弟大泊瀨聘大草香皇子

女幡梭。使根使主諭旨。大草香大喜。獻珠縵為信。根

使主私珠縵。不進。詐奏大草香拒命。詞意倨。媿狀。帝

大怒。遣兵殺之。取幡梭配大泊瀨。又取其妻中蒂姬

為妃。遂為皇后。○三年丙申八月。天皇幸山宮。暴崩。初

皇后為大草香妃。生眉輪王。及入宮。從養宮中。帝在

山宮閣上。謂后曰。朕雖愛汝。獨眉輪介於心耳。日本書紀

眉輪時甫七歲。古事記戲閣下。聽之。伺帝醉卧。刺而弑

之。大泊瀨皇子聞變。疑諸兄所為。即擐甲執兵馳至

八月九日崩

眉輪王弑帝伏誅

逼母兄八鉤白彥問故不答。大泊瀨拔刀斫之。又問次兄坂合黑彥。又不答。亦欲殺之。黑彥懼。與眉輪亡。匿大臣葛城園第。大泊瀨圍園第焚之。誅眉輪。殺黑彥。又殺市邊押磐御馬。二皇子市邊履中天皇子。初帝立。大泊瀨為嗣。又愛市邊。欲立之。大泊瀨啣之。故殺之。帝壽五十六。葬大和管原。伏見西陵。

紀元一千一百一十六年
丙申歲十一月十三日踐祚

雄略

雄略天皇諱大泊瀨幼武允恭天皇第五子。安康帝同母弟也。即位。泊瀨朝倉官。遂都焉。以平郡真鳥為大臣。以大伴室屋物部目為大連。二年。成百濟池津媛淫石河。循被刑。五年。辛丑。百濟王使其弟軍君入

詔諸國植桑

仕。○六年。壬寅。令諸國植桑。敕后妃親桑勸蠶事。○七

年。卯。以吉備田狹為任那國司。又遣其子弟君伐新

羅。田狹據任那反。○八年。辰。甲。高麗與新羅相攻。新羅

乞援於任那。日本府府帥遣兵大破高麗兵。○九年。

巳。以新羅久不朝貢。遣紀小弓。蘇我韓子征伐焉。大

破之。會小弓病卒。于軍將士不和。竟失利而歸。○十

二年。申。始起樓閣。遣使於吳。索工。○十四年。庚。吳人

來獻女工。漢織。吳織。帝令根使主饗之。使主入謁。皇

后見其所著珠鬢。仰天大哭。曰。彼鬢者。嚮妾兄奉先

帝勅為進妾於陛下。所獻之物。帝大驚。糾問使主。使

始起樓閣

吳人獻女工

根使主伏誅

土師連祖吾筭始造陶器

主首服伏誅○十七年。癸詔土師連等造清器清器

陶器也○十八年。寅遣物部菟代目勤伊勢賊菟代

逗畱不進目奮戰獲其渠帥救奪菟代采地賜於目

○二十年。丙辰高麗滅百濟○二十一年。丁巳帝賜久麻

那利地於百濟王汶洲圖復其國日本書紀○二十二年

奉祀豐受太神于伊勢山田

戊遣大佐佐命於丹波奉迎豐受太神祀伊勢山田

曰外宮延曆儀式帳○二十三年。己未百濟王汶洲卒帝勅

立昆支王子未多為王賜兵器發筑紫卒護送之別

崩 八月七日

遣將伐高麗○秋八月。天皇崩。在位二十三年。壽六

十三歲。書紀享年闕今據本書帝生年推之天皇初生神光滿殿。長而

雄果。既定內難。峻刻御下。數游獵。親殺猛獸。群下不能倣者。誅之。喜怒不測。至婦女入宮者。泣求免。嘗遣吉備田狹守。任那奪其妻。致田狹反。然性明決。時納善言。末年尤畱心政治。國家無事。葬河內丹比高鷲原陵。

清寧天皇。諱白髮。雄略帝第三子。母皇太夫人韓媛。葛

紀元一千一百四十年庚申歲正月十五日踐祚

城圓女。初星川王謀不軌。據大藏官反。帝詔大伴室屋及東漢掬討之。誅王母子。○元年。庚申設壇場於磐

余甕粟。以即位。遂定宮焉。大連大伴室屋大臣平郡

真鳥如故。○三年。壬戌立億計王為皇太子。初雄略帝。

遣臣連巡察諸國風俗

誘市邊皇子與獵射殺之皇子有二子曰億計曰弘計帳內日下部使主與其子吾田彥奉逃播磨赤石使主恐事顯縊死吾田彥終始從二子二子變名爲縮見屯倉首家僮會播磨國司來目部小循徵貢宿首家弘計欲告實伸屈億計猶恐其致禍不許已而酒酣首命二子歌二子相讓良久小循頻促於是弘計決意因歌述其意小循大驚離席再拜即發郡民營築假處之令其屬給事焉自乘驛傳詣京以聞天皇大喜曰此天賚也遣小循迎立之以弘計爲皇子○是歲遣臣連巡察諸國風俗又詔禁獻狗馬器玩

正月十六日崩

飯豐王聽政

紀元一千一百四十五年乙丑歲正月一日踐祚

○四年癸亥秋帝親錄囚徒是日蝦夷隼人竝請內附
 ○五年甲子春正月天皇崩壽四十一書紀享年關今據水鏡一代要
記皇年葬河內坂門原陵皇太子讓位於弘計弘計代畧記
 稱先帝命不從於是太子姊飯豐垂簾聽政稱忍海飯豐青尊未踰年而薨古事記太子與群臣拜弘計勸進曰微君決策吾不至此有功者宜享其祿弘計遂即位

顯宗天皇諱來目稚子初稱弘計王履中天皇之孫市邊押磐皇子第二子母美媛蟻臣女也即位于近飛鳥八鉤宮以皇兄億計爲儲君如前朝時人欽慶其

始設曲水宴

四月廿五日崩

紀元一千一百四十八年

誠實相讓。○元年。丑。春三月上巳。幸後苑。始設曲水宴。○詔曰。先王遭離。多難殞命。荒郊朕幼年亡。逃自匿。莫由求遺骸。痛恨何堪。夫周訪天下。以告報焉。於是有一老嫗。自言知其處。帝即將嫗。幸近江蚊屋野。果得墳塋。號哭悲慟。設奠改葬。起陵而還。○二年。丁卯。夏四月。天皇崩于八鉤宮。壽三十八。書紀享年關今據古事記水鏡天皇久在民間。知百姓疾苦。故深用心於政事。恤孤養老。薄歛。省徭。德化宣流。億兆悅服。歲比登稔。粟斛直銀錢一文。海內殷富。葬于大和傍丘磐坏丘南陵。仁賢天皇諱大脚初稱億計王。顯宗帝同母兄也。即位

戊辰歲正月五日踐祚

八月八日崩

紀元一千一百五十八年
戊寅歲十二月踐祚

於石上廣高宮。○二年。己。秋皇太后崩。后嘗侍宴先帝。無禮於帝。及帝即位。惧自殺。○六年。癸酉。遣使高麗求工匠。○八年。乙亥。大有年。○十一年。戊寅。秋八月。天皇崩。壽五十一。書紀享年關今據水鏡愚管抄天皇謙恕聰敏。吏稱其職。民安其業。戶口滋殖。初顯宗帝即位。欲發雄略陵。以報父仇。帝諫曰。如先帝之恩。何乃止。葬河內埴生阪本陵。

武烈天皇諱小泊瀨稚鷦鷯。仁賢天皇太子。母皇后春日大娘。雄略帝之女也。帝即位。泊瀨列城宮。遂都焉。○誅大臣平群真鳥真鳥久。執國政。陰圖不軌。帝為

平群真鳥及其子鮪伏誅

太子時。真鳥佯稱爲太子築宮。遂自居焉。其子鮪又無禮於帝。帝夜幸大伴金村宅。發兵要鮪於途。斃之。遂圍真鳥第。焚殺之。○六年甲申。百濟入貢。先是百濟王末多無道。國人弑之。立其族斯麻。至是來貢。帝恚其久闕貢。拘留使人。○七年酉。百濟更使其族斯我來貢。○八年丙戌十二月。天皇崩。壽天皇好刑名。日晏視朝。聽斷訟獄。善爲鉤距。發刻摘伏。無所失。凡諸慘刑。皆自臨視。至刳孕婦胎。脫人指甲。使掘薯蕷。使人緣木親射墜之。且廣苑囿。數游獵。縱酒漁色。驕奢暴斂。天下苦之。葬大和傍丘磐坏丘北陵。

十二月八日崩。纂輯御系譜爲壽十八

紀元一千一百六十七年丁亥歲二月四日踐祚

繼體天皇諱男大迹。應神天皇五世之孫。彥主人王子也。初彥主人王在高島別業。娶垂仁帝七世孫乎波智君女振媛。乎波智君釋日本紀所引上官記之文生帝。既而王薨。帝養於母家。在越前高向。及長有德望。武烈帝崩無嗣。大連大伴金村與諸大臣議。迎仲哀帝五世孫倭彥王於丹波。王望見儀仗。懼而逃匿。金村等更議。備法駕迎帝。帝據胡床。列臣僕見之。使者敬憚。傾心。帝猶豫未就道。會河內荒。籠者潛遣人。具白臣連奉迎無他意。帝即發。至宮即位。詔勸農桑。○三年己丑。遣使百濟。令其民逃亡。在任那者送歸于國。○五年辛卯。遷都

詔勸農桑

徵五經博士

詔舉廉節之士

于山背以筒城為皇居。○六年壬辰百濟入貢。○七年癸巳徵五經博士段楊爾於百濟。○二十年丙午遷都于大和居磐余是為玉穗宮。○二十一年丁卯夏遣近江毛野將兵六萬赴任那復新羅侵地筑紫國造磐井反據火豐二國與新羅通謀拒毛野秋以大連物部麤鹿火為大將討之。○二十二年戊申麤鹿火擊破磐井斬之筑紫平。○二十三年己酉百濟任那訴新羅背約詔遣近江毛野和解諸蕃毛野綏馭失方救召還之。○二十四年庚戌詔舉廉節之士曰今天下清泰內外無虞恐吏民因此習貪婪生奢侈其舉廉節宣揚

二月七日崩

紀元一千一百九十二年 辛亥歲二月七日踐祚

十二月十七日崩

紀元一千一百九十五年 乙卯歲十二月踐祚

大道。○二十五年辛亥帝疾病傳祚皇太子而崩壽八十二葬攝津三島監野陵。

安閑天皇諱勾大兄繼體帝庶長子也母曰子媛尾張連草香之女。○元年甲寅遷都于勾金橋即為宮號。○大有年。○二年乙卯春大酺詔曰連年登穀黎庶樂于耕稼鰥寡免於飢寒朕甚喜焉。○冬十二月天皇崩壽七十帝有人君之量在位之間國家殷富葬河內古市高屋丘陵。

宣化天皇諱檜隈高田繼體帝第二子安閑帝同母弟也帝器宇清通神襟朗邁不以才智矜人。○元年丙辰

二月十日崩
遷都于檜隈廬入野大伴金村物部麤鹿火並為大連如故修諸國屯倉備凶荒○二年丁巳新羅侵任那遣大伴金村及其二子磐狹手彥援之磐留鎮筑紫狹手彥赴任那府○四年己未春二月天皇崩壽七十三葬大和身狹桃花鳥阪上陵

欽明天皇諱天國排開廣庭繼體帝嫡子母皇后手白香仁賢帝之女○元年庚申遷居磁城島金刺宮蝦夷隼人及高麗百濟新羅任那並入貢檢秦漢及諸蕃投化者七千餘戶編貫諸國○二年辛酉詔任那及百濟謀復新羅侵地○四年癸亥百濟獻扶南貨財及人

紀元一千一百九十九年己未歲十二月五日癸未

巴提便殺虎
口○六年丑春遣膳臣巴提便於百濟至冬而還巴提便之在百濟也一夕大雪失其幼子見戶外有虎跡跡而至虎穴虎張口欲噬巴提便左手執虎舌右手拔刀刺殺之乃取其皮而還○十二年辛未賜麥種一千斛於百濟百濟伐高麗復其侵地○十三年壬申百濟獻金銅佛像及經論幡蓋等蕪我稻目奏請受之百濟付表稱贊佛功德帝下群臣議蕪我稻目請受而禮之物部尾輿中臣鎌子同奏國家以天地社稷百八十神祭別禮蕃神恐致譴怒乃賜佛像於稻目稻目捨向原家奉之諸國大疫尾輿等奏請燒寺

論百濟獻佛像經
中臣家系十七世有鎌大夫蓋鎌子是也

投佛像于難波堀江

百濟貢醫卜曆博士

投佛像於難波堀江。○是歲百濟棄其漢城平壤。新羅入居之。○十四年癸酉大疫。○百濟使醫卜曆等博士遞番來我。且附送藥物。○十五年甲戌百濟使至筑紫。請援兵。○夏遣內臣率舟師援百濟。伐新羅。拔函山城。○十六年乙亥百濟王聖明為新羅所殺。王子餘昌使弟惠來告哀。○十七年丙子惠歸藩賜兵仗馬匹。發兵護送。別遣筑紫火君率兵守彌氏津。尋立餘昌。○二十二年辛巳新羅使者入貢。班諸百濟之下。○二十三年壬午春新羅侵任那。毀我官府。秋新羅貢調使。至拘留之。以紀男麻呂為大將。率兵討新羅。我軍不

伊企儺舍生取義

吳人獻儒釋方書明堂圖及樂器

四月十五日崩

紀元一千二百三十三年

敏達天皇諱諱語田。欽明帝第二子。母皇后石姬。宣化

利軍人伊企儺為虜。所擒虜勸誘。不屈。虜拔刀逼之。曰。汝須言日本之將。我斃肉。伊企儺大呼曰。新羅王餒于斃肉。竟見殺。○以大伴狹手彥為大將軍。率兵數萬。伐高麗。大破之。俘獲甚衆。○吳人智聰齋儒釋方書明堂圖及樂器等來。○冬新羅入貢。復拘留之。○三十二年辛卯春遣使新羅。詰其滅任那狀。○夏四月。天皇不豫。召皇太子入卧內。執其手。曰。朕欲征新羅。復任那。不果。汝繼朕志。死無恨。遂崩。壽。帝性慈仁。新墾田。賑給窮民。立為定制。葬大和檜隈阪合陵。

壬辰歲四月三日踐祚

帝之女○元年壬辰以蘇我馬子為大臣與大連物部守屋執國政高麗遣使上表其表墨書烏羽人莫能讀焉王辰爾蒸而印諸帛字形可辨帝大嘉賞擢為近侍○四年乙未遷都于譯田號幸玉宮○五年丙申立豐飯炊屋姬為皇后○六年丁酉百濟王獻經論及律師禪師比丘尼咒禁師造寺匠佛工○八年己亥新羅入貢並獻佛像○九年庚子新羅入貢卻不納○十年辛丑蝦夷掠邊境詔召巨帥綾糟等令責問之恐懼謝罪誓不復叛原歸部落○十一年壬寅新羅入貢復卻之○十二年癸卯百濟使者德爾有罪伏誅初我輩北

僧尼寺工佛工來新羅獻佛像

百濟使者德爾伏誅

日羅奏培養國本

國造阿利斯登在任那府生子日羅居百濟帝聞其才敕百濟徵之諮以討新羅復任那日羅曰服夷之道在培養國本何必動凶器事末節為當今之計上自臣連二造國造伴造下至小吏節用薄歛訓士教民結以信義一年食足兵足然後多造舟艦列置海津大張聲勢使韓人見之乃遣才辨士明示恩威召其國王國王不來召其太佐平王子先服其心而問其罪百濟護送官猜其言國陰事留德爾刺殺之勅收德爾鞠問具服賜之日羅宗族誅之○十三年甲辰馬子得百濟佛像二軀造殿安之師高麗僧慧便及梁人

八月十五

日崩

纂輯御系

譜壽四十

八

司馬達及其女善信尼等設齋。○十四年乙春大疫，民多死。物部守屋等奏劾，稱我氏信佛法，惑民致祟，請焚寺塔，還俗僧尼。既而馬子寢病，請禱佛。帝曰：汝獨為之，勿使衆拜。乃還與僧尼。馬子喜，復精舍。○秋八月，天皇崩。葬河內磯長中尾陵。

紀元一千二百四十六年

用明天皇諱橘豐日，欽明帝第四子。母堅鹽媛。稱我稻

乙巳歲九月五日踐祚

目之女也。遷居于磐余，稱曰池邊雙槻宮。○元年丙午

夏，皇弟穴穗部隱謀不軌，殺三輪逆。初，皇弟欲悉炊屋姬皇后入殯宮，逆令衛士鎖宮門，皇弟遂不得入。因深憾逆，與物部守屋率兵圍其家，斬殺之。○二年

勝海本系無所見蓋鎌子之子

四月九日崩

丁未夏四月，帝疾，詔欲歸佛，以其無例。召群臣議。物部守屋中臣勝海曰：背國神而敬他神，不可。稱我馬子曰：宜從睿旨。適厩戶皇子延僧豐國入內守屋，睥睨二人，意色俱惡。既而聞馬子等欲害已，退居阿都備兵，自衛。迹見赤禱殺勝海。帝疾病，鞍部多須奈稚髮為僧，造佛像以祈禳焉。不幾而崩。壽六十九。葬大和磐余池上陵。推古天皇元年九月，改葬河內磯長原陵。

紀元一千二百四十八年丁未歲八月二日踐祚

崇峻天皇諱泊瀨部，欽明帝第十二子。母小姊君。稱我稻目之女也。○八月，天皇即位。初，繼嗣未定。守屋欲

百濟獻佛舍利
建法興寺
遣使觀察東北諸道

立皇弟穴穗部馬子不可。遂與諸皇子謀圍守屋。澁川第。守屋築稻城拒之時。廐戶皇子束髮而隨軍。後作四天王像。置於頂曰。我勝敵則必奉護世四王。馬子亦誓軍進討。破之。赤檮射殺守屋。守屋衆潰。炊屋姬皇后與群臣議。迎立天皇。天皇居于倉梯宮。○元年。戊申三月。百濟復獻佛舍利。及僧及寺匠。瓦工。畫工等。○建法興寺。日本書紀後改號元興寺。拾芥抄○二年。己酉。遣近江浦於東山道。穴人雁於東海道。阿倍吹吹於北陸道。觀察東北國境。浦吹吹據太子傳○四年。辛亥。以紀男磨。巨勢比良夫。膳賀托夫。大伴嚙葛城烏。奈良為大

十一月三日崩
纂輯御系譜壽七十

紀元一千二百五十二年
壬子歲十二月八日踐祚

將軍率兵二萬餘屯筑紫。遣使於新羅。新羅行成。遂復任那。○五年。壬子冬十一月。東漢駒弒帝。壽初馬子負定策之功。專肆驕縱。帝甚惡之。將加刑戮。會有獻山猪。帝指之曰。何時如此猪。斷朕所嫌之人。有宮女失寵者。聞之以告馬子。馬子大懼。遣東漢直駒刺帝。於內寢。駒通馬子女。馬子怒。縛駒庭樹。自射殺之。曰。是弒君之賊。吾為行誅。葬帝于大和倉梯岡陵。

推古天皇諱豐飯炊屋姬。欽明帝女。用明帝同母妹也。初為敏達皇后。至是因百寮之勸進。即位豐浦宮。○元年。癸丑立皇子廐戶為皇太子。攝錄萬機。馬子為大

皇太子廐戶建四天王寺

臣如故。○九月建四天王寺於難波。○二年甲寅詔皇

太子興隆佛法群臣競造佛舍是謂寺。○三年乙卯詔

皇太子與諸蕃僧講論佛經于御前。○八年庚申新羅

侵任那遣境部臣等率兵萬餘擊新羅拔其五城復

侵地既而又叛侵任那。○十年壬戌春以來目皇子為

征新羅將軍率兵二萬五千討新羅。○十一年癸亥來

目皇子至筑紫病薨更以當麻皇子代往不果行。○

帝遷在小墾田宮。○十一月始作大楯及鞞又繪于

旗幟。○十二月始定冠位六品曰德仁禮信義智各

有大小凡十二階明年賜群臣。○十二年甲子定憲法

始作大楯及鞞

定冠位十二階

定憲法十七條

始遣使于隋

十七條改制朝禮詔曰凡出入宮門以两手押地兩

脚跪之越柵則立行。○十三年乙丑詔皇太子造銅繡

丈六佛像各一軀高麗獻黃金三百兩。○命諸王諸

臣俛著褶。○十五年丁卯始通信於隋以大禮小野妹

子為使。○十六年戊辰小野妹子等至自隋隋使裴世

清等與之俱來既而入朝帝饗諸朝及其歸復以妹

子為大使難波雄成為少使率學生高向玄理南淵

請安及僧旻等按本書旻為日文往妹子至明年秋

而還。○二十六年戊寅高麗入貢獻隋俘及駱駝。○二

十八年庚辰敕皇太子大臣馬子等撰天皇紀國紀及

撰天皇紀國紀等百八十部

聖德太子薨

臣連伴造國造等本紀百八十部。○二十九年辛巳皇太子薨。謚曰聖德太子。太子生而聖智。及長。一聞十人訴。以無失聽斷。至是。長幼如亡。慈母哭泣之聲滿行路。○三十一年癸未新羅復侵任那。遣大德境部雄麻呂等將兵伐之。新羅降。○新羅任那入貢。○是歲自春至秋。霖雨大水。五穀不登。○三十二年甲申有僧執斧毆祖父者。詔置僧正僧都。檢校僧尼不法。是時有寺四十六所。僧八百十六人。尼五百六十九人。○三十四年丙戌五月。蘇我馬子薨。以其子蝦夷為大臣。○是歲天下大饑。盜賊蜂起。○三十六年戊子春三月。

置僧正僧都檢校僧尼不法

三月七日崩

天皇崩。壽七十五。臨崩遺詔曰。比年五穀不登。百姓大飢。必勿厚葬。宜葬于竹田皇子陵。從之。日本書紀後遷河內磯長山田陵。古事記

紀元一千二百九十年己丑歲正月四日踐祚

舒明天皇初號田村皇子。敏達帝孫。彥人大兄之子。母糠手姬。先帝臨崩。召故皇太子子山背王。囑後事。糠我蝦夷矯遺詔。欲立帝。諸大臣莫敢異議。獨境部摩理勢不可。遂殺之上。璽于天皇。○二年庚寅秋遣大仁犬上御田耜等于唐。○冬遷飛鳥岡。謂之岡本宮。○三年辛卯掖玖人歸化。○百濟王義慈使其子豐璋入質。○秋幸于有間溫泉。冬還宮。○四年壬辰唐使高表

岡本宮災

仁送御田稻等至。○五年癸巳高表仁等歸國使吉士雄麻呂等送至對馬。○八年丙申六月岡本宮災帝遷居田中宮。○九年丁酉春蝦夷叛以大仁上毛野形名為將軍討平之。○十二年庚子大設齋會講無量壽經于宮中。日本書記○定斗升斤兩。扶桑略記○冬遷百濟宮。○十三年辛丑冬十月天皇崩葬滑谷岡後改葬大和押阪內陵。

始定斗升斤兩十月九日崩纂輯御系譜壽四十八
 皇極天皇諱寶敏達天皇曾孫押坂彥人大兄孫茅渟王女也母吉備姬櫻井皇子之女。○元年壬寅帝即位。蕪我蝦夷為大臣如故。○夏大旱八月帝幸南淵河

蕪我入鹿襲殺山背王

上跪拜四方仰天而祈大雨。○冬十二月遷小墾田宮。○二年癸卯夏四月遷飛鳥板蓋新宮。○冬十月大臣蕪我蝦夷病子入鹿代行大臣事立舒明帝子古人大兄為皇嗣。○十一月遣巨勢德太古將兵襲殺山背王斑鳩宮。○四年乙巳夏六月皇子中大兄與中臣鎌足及倉山田石川麻呂等誅蕪我入鹿于大極殿遣兵討蕪我蝦夷蝦夷伏誅初蝦夷密欲廢帝立古人大兄忌山背王威名殺之起第宅僭擬宮城皇弟輕等稱病不出潛謀匡濟而未敢鎌足知中大兄皇子可與有為會蹴鞠法興寺皇子靴脫鎌足跪奉

入鹿父子伏誅

之由是得親近終告故惧其漏同受經南淵先生密
 議車中蘓我氏族倉山田石川麻呂與入鹿有隙因
 使皇子與結婚又引佐伯子丸葛城網田為援會三
 韓使來欲乘其際舉事帝御大極殿入鹿入侍皇子
 戒衛兵鎖宮門聚衛士一所如將賜物自執長鎗隱
 戶側鎌足持弓矢從焉使子丸網田藏二劍貢櫃中
 而進倉山田前讀表將盡子丸等不敢發倉山田流
 汗聲顫入鹿怪問故對曰天威咫尺不覺乃爾皇子
 恐失機直入斫入鹿肩子丸斫其脚入鹿攀御座乞
 哀皇子伏奏曰入鹿剪滅宗室陰企不軌臣等謹為

蝦夷焚圖書自殺

六月十四日讓位

紀元一千三百〇六年乙巳歲六月十四日踐祚

宗廟誅戮逆臣帝起入內是日大雨潦水溢庭以席
 覆屍賜之蝦夷皇子入法興寺以兵自衛諸皇子大
 臣皆來從皇子令巨勢德太古將兵討蝦夷蝦夷悉
 焚圖書珍寶自殺○是月天皇讓位於輕皇子

孝德天皇諱輕皇極帝同母弟也初皇極帝以中大兄

有功欲傳位中大兄以告鎌足鎌足曰古人殿下之
 兄不可越次輕皇子殿下之舅也齒德俱高不如讓
 焉以答民望從之輕讓於古人古人固辭入佛寺祝
 髮為僧帝乃即位尊先帝曰皇祖尊立皇姪中大兄
 為皇太子以阿陪倉梯麻呂為左大臣蘓我倉山田

始置左右大臣內臣

年有號始于此

石川麻呂為右大臣。中臣鎌足為內臣。日本書紀置左右大臣及內臣。始此。公卿補任以沙門僧旻高向玄理為國博士。始建元曰大化。年有號始此。年號始此。據日本記畧弘仁改元詔

○大化元年乙未七月。高麗百濟新羅來貢。百濟攝

任那使事。其數有闕。詔卻之。遣栗隈東人觀察任那

國界。○詔左右大臣曰。治國之方。當遵先王之軌轍。

為政之務。在於無失信於民。○八月。詔國司使奉職。

無驕無苦。民自利邊郡。武備無怠。造戶籍。校田畝。定

政法。各賜布帛。設鐘匱於闕。聽有冤枉者。投牒撞鐘。

○皇兄古人大兄謀反。賜死。○九月。遣使諸國。錄戶

詔造戶籍校田畝定政法

大化新制

郡分大中小置大小領造戶籍計帳班田及租庸調法

定葬埋法

口。○十二月。遷都難波。長柄曰豐碯宮。○二年丙午正

月。賀正禮畢。詔宣新制曰。罷前代所置子代民處處

屯倉。及臣連伴造國造村首所有部曲田莊。賜大夫

以上食封。臣民布帛。各有差新定畿內地置國司郡

司。里坊長令。關塞驛傳。鈴契之法。郡分大中小置大

領小領主政主帳。造戶籍。計帳班田。收授法。置里長。

定田畝。行租庸調法。○三月。詔諸國司曰。凡為人上

者。當先正己。而後正人。如不自正。何能正人。是以不

自正者。不擇君臣。乃可受殃。豈不慎哉。○定葬埋法。

禁殉葬。○九月。遣使徵新羅質。罷任那調。○三年丁未

定有位朝參制

定七色十三階冠制

改增冠位置八省百官

春正月。觀射于朝。○夏四月。營小郡宮徙居焉。○詔曰。凡有位者。寅時羅列南門外。候日出。就庭再拜。乃侍於廳。若晚參者。不得入侍。○罷難波渠役。先是。工人比羅夫建白鑿溝通水。民苦其役。有人投櫃諫之。即日罷役。○十二月。制七色十三階之冠曰織繡紫。錦青黑。各有大小。曰建武。是名立身初位之冠也。○四年。治磐舟柵。置柵戶。備蝦夷。○五年。配二月。改增冠位制十九階。定置八省百官。○左大臣阿部倉梯麻呂薨。殺右大臣倉山田石川麻呂。石川麻呂與弟日向不協。日向讒其謀逆於皇太子。太子奏遣兵。

白雉元年

大化六年
二月改元

十月十日
崩
纂輯御系
譜壽五十
九

圍之石川麻呂自殺。太子後悟其冤。奏貶日向為太宰帥。○白雉元年。庚春二月。穴戶國獻白雉。因改元。復穴戶三年調役。○二年。辛亥六月。新羅入貢。卻之以使者著唐衣冠也。日本書紀○秋七月。右大臣大伴長德薨。公卿補任○四年。戊申。以小山上吉士長丹為遣唐使。○五年。甲寅春。以大錦上高向玄理為遣唐押使。○授中臣鎌足紫冠。益封戶。○秋。遣唐使與百濟送使共歸。獻書籍寶貨。○冬十月。天皇崩。壽闕在位十年。葬河內大阪磯長陵。先是。皇太子奏請遷倭京。不許。太子奉皇祖母尊。移居焉。公卿多從之。

紀元一千三百十六年乙卯歲正月三日

齊明天皇皇極天元年乙卯即位飛鳥板蓋宮中大兄為皇太子巨勢德太古為左大臣中臣鎌足為內臣如故○冬十月飛鳥板蓋宮災帝徙御川原宮○二年

丙辰造宮於飛鳥岡本號後岡本宮遷居焉又造兩槻吉野二宮既而岡本宮災○三年丁巳秋七月設孟蘭

盆會於飛鳥山寺西○四年戊午四月阿陪比羅夫率舟師百八十艘伐蝦夷降之置淳代津輕二郡又伐

肅鎮獻生羆二羆皮七十○冬十月帝幸紀伊溫泉○蘇我赤兄留守有間皇子有罪伏誅初赤兄舉時

政三失語有間喜以為赤兄黨已因告密謀赤

再祚

始設孟蘭盆會

比羅夫伐蝦夷

有間皇子伏誅

新羅亡百濟

帝幸筑紫為百濟應援

七月廿四日崩
纂輯御系
譜壽六十八

兄執送行宮遂賜死○六年庚申正月遣阿陪比羅夫

率舟師二百艘伐肅慎○秋九月新羅借唐兵滅百

濟百濟佐平鬼室福信招收散卒以圖恢復○冬十

月遣使獻唐俘百餘人乞援且請迎王子豐璋為主

詔許之○十二月帝幸難波宮詔救百濟令駿河造

船艦○七年辛酉春正月車駕至筑紫○二月次磐瀨

行宮○夏五月遷朝倉造行宮名曰橘廣庭宮○七

月天皇崩于朝倉宮壽關在位前後凡十一年皇太子

奉梓宮還難波○八月遣大華下阿曇比羅夫等救

百濟別令小山下秦田來津以兵五千護送百濟王

立百濟王

子豐璋立為王。授織冠。○冬十一月。殯于飛鳥川原。臨九日。葬大和越智崗上陵。

紀元一千三百二十二年

天智天皇諱中大兄。初號葛城皇子。舒明帝嫡子。母皇

辛酉歲七月踐祚

極天皇。○元年壬戌春正月。素服制軍國事。賜糧仗布

帛於百濟。佐平鬼室福信。據周留城。進擊唐兵。破之。

走新羅兵。○五月。又賜金策於鬼室福信。○二年癸亥

春二月。福信獻唐俘。○三月。遣上毛野稚子等將二

萬七千人。伐新羅。拔二城。既而豐璋猜福信專權。殺

之。群臣不附。日本書紀○八月。唐將劉仁軌等水陸分力。

攻周留城。東國通鑑我兵拒之。白江口不利。退。小山。下秦

百濟亡

田來津死之。唐書明日復戰。敗績。豐璋弃城奔高麗。百

濟亡。○九月。我軍還。○三年甲子命皇太弟大海人。改

改增冠位為一十六階

增冠位為二十六階。○夏五月。百濟鎮將劉仁軌遣

郭務悰。進表獻物。○置烽候防堡。壹岐對馬等國。築

筑紫水城。○四年乙丑以百濟佐平鬼室福信之功。授

鬼室集斯小錦下。分處百濟投化者男女四百餘人。

於近江。二千餘人於東國。○唐使劉德高等來修好。

○五年丙寅秋大水。免租調。○六年丁卯三月。遷都近江。

滋賀號大津宮。○冬十一月。城大和高安。讚岐屋島。

對馬金田。○七年戊辰春正月。天皇即位。日本書紀天皇至

唐使來修好

正月三日即位

越國獻燃土燃水

鎌足小德冠御食子之子系出天兒屋命

皇子為太政大臣

孝殯先帝六年。至是即位。愚管鈔一代要記 ○秋七月。越國獻燃土燃水。○冬十月。唐李勣伐高麗滅之。○十一月。遣使新羅。賜調船及絹綿韋等物。○八年己三月。耽羅遣王子久麻伎貢獻。○冬十月。大織冠內大臣藤原鎌足薨。鎌足博學有器略。輔帝定大難。建制度。至是車駕臨其第。問疾。就進官位。改賜姓。及薨。賜賻甚厚。○九年庚正月。定朝廷揖讓道路相避之禮。○二月。檢戶籍。糾盜賊浮浪。○修高安城。蓄糧。○城長門及筑紫。○十年辛未春正月。以皇子大友為太政大臣。○頒冠制法度。○唐百濟鎮將劉仁軌遣使上表。

始置漏刻鐘鼓

大海人為僧入吉野

十二月三日崩

○夏四月。置漏刻鐘鼓。是帝在東宮時親所造也。○九月。天皇不豫。十月。疾甚。召皇太弟大海人。屬以後事。皇太弟稱病固辭。請為僧聽之。退入省中佛殿。踞胡床剃髮。勅賜袈裟。遂入吉野。在朝諸臣皆送至菟道而還。日本書紀立皇子大友為皇太子。扶桑略記 ○十一月。左大臣赤兄等五人奉皇太子於西殿。再盟帝前。○十二月。天皇崩。壽四十六。本紀享年闕今據舒明帝紀年十六之文推之 帝嘗營行宮於筑紫朝倉山。材木不斲。務從質樸。時人號曰木丸殿。帝為之歌。後世傳為歌曲。十訓抄 帝好學。能文明習治體。設庠序。定典禮憲章。文物粲然可觀。

懷風 後置十陵。隨世數遞除。以帝為中興之祖。百世不除焉云。神皇正統記 葬山城山科陵。延喜式

紀元一千三百三十二年
辛未歲十二月五日踐祚

弘文天皇諱大友初稱伊賀皇子。天智帝長子。懷風藻 母

伊賀采女宅子娘。○元年壬申春三月遣使筑紫告國喪於唐使郭務悰等。停其入朝。○六月大海人皇子

大海人皇子舉兵吉野

稱兵吉野。東走美濃。留兵塞鈴鹿道。遣村國男依鱈部君手等塞不破道。田中足麻呂塞倉歷。大伴吹負

高坂王叛

在大和直應之。帝分遣使諸國發兵入援。穗積百足等與倭留守高坂王發兵庫。輸甲仗于近江。百足為吹負所誘殺。高坂王叛降吉野。高安城陷。七月朝廷

七月廿三日崩

官軍大敗帝崩于山前

山陵今在近江長等山山前

紀元一千三百三十三年

天武天皇幼名大海人。天智帝同母弟也。生而岐嶷。及

遣壹岐韓國大野果安拒吹負戰於乃樂山。破之。遣山部王與蘇我果安巨勢比等進向不破。諸將不協

相殺軍潰。大海人遣伊勢兵助吹負與男依三道竝進。韓國敗走。境部藥秦友足與男依戰敗。皆死之。吹

負男依等合軍進至瀨田。帝悉眾軍橋西。官軍前鋒知尊撤橋。拒之不利。知尊死之。犬養五十君谷鹽手

等戰粟津。死之。諸大臣皆逃。獨物部麻呂等從帝。帝崩于山前。日本書紀 時年二十五。懷風藻 明治三年七月諡

弘文天皇。明治以下據官途必摘

壬申歲七月廿三日踐祚

壯雄武通曉天文及遁甲。天智帝末年削髮入吉野。時人語曰：所謂翼虎放之。弘文元年五月，朴井雄君奏曰：朝廷救美濃尾張國司，差山陵役夫，令各執兵，恐非唯為山陵，必有事矣。若不早圖，噬臍無及也。遂發兵克之，議朝臣罪狀，斬右大臣中臣金流，左大臣藤原赤兄，御史大夫巨勢比等。至大和論功行賞。

○元年癸酉春二月，命有司設壇場，即位於飛鳥淨見原宮。日本書紀○日本書紀以天武接天智之統，故以壬申歲為元年。今據大日本史，以壬申歲為弘文天皇即位元年。天武天皇即位元年○七月，始置不破關。要記○二年甲戌對馬始獻白金造銀錢。○聚書生，始寫一切。

始置不破關
始造銀錢

置兵政司

親王之稱始見于此
悠紀須紀之制始于此

定律令式

經於川原寺。○三年乙亥春正月，建占星臺。○置兵政司。○定諸國貸稅。日本書紀○四年丙子春正月，帝觀射于西門。十七日大射始于此。師元年○定諸國司任格。諸臣子弟及蕃人任進格。○秋八月，親王以下給食封有差。○九月，為新嘗。卜定國郡，齋忌則尾張山田郡。次則丹波訶沙郡。竝食。日本書紀注齋忌此云踰見清寧紀。悠紀須紀之制始見于此。古者新嘗大嘗，竝稱。令已後其制始定。中右記以此為大嘗之始。然其禮自古有。○七年卯己令親王諸臣貯兵馬。○九年辛巳春二月，詔王公群臣定律令式。○立皇子草壁，為皇太子，而攝萬機。○三月，詔川島忍壁，二皇子撰帝。

定服色及禁式

造新字四十四卷

男女始結髮

停跪禮用立禮

習陣法

紀及上古諸事。○詔定親王以下至庶人服色制禁式九十二條。○五月詔凡百寮寅緣官人恭敬過甚或納賄媚之者隨事罪之。○十年_{壬午}三月勅造新字四十四卷。○四月詔曰自今男女悉結髮婦女乘馬始此。○五月男女始結髮仍著漆紗冠。○八月造法令詔曰諸應考選者能檢族姓及景迹方後考之若雖景迹行能灼然其族姓不定者不得中撰。○九月勅停跪禮匍匐禮更用難波朝廷之立禮。○十一年_{癸未}二月詔大津皇子聽朝政。○十一月詔諸國習陣法。○十二月遣使巡行天下定諸國疆域。○十二年

定氏族為八等

詔諸國每戶安置佛像及經

定朝服色

朱鳥元年
白鳳十四
年改元明

甲夏閏四月令親王及諸臣官無文武務習軍事具兵馬器械有馬者為騎無者為卒以時檢閱闕者有罪。○冬十月詔定臣民氏族為八等_{日本書紀}。○始用銅錢庶銀錢_{五事}。○十三年_西春正月更加爵位號諸王以上十二階諸臣四十八階。○三月詔諸國每家作佛舍安置佛像及經以禮拜供養。○秋七月定朝服色。○九月遣使諸道巡察國司郡司能否問民疾苦。○詔諸國鼓角旗幡弓弩類藏郡廨勿置私家。○朱鳥元年_{丙戌}五月帝不豫。○秋七月詔諸國大祓減海內戶調之半免徭役又曰男夫著脰裳婦女垂髮

九月九日

于背如故。○九月天皇崩。壽六十五。葬大和檜隈大

內陵。

紀元一千三百四十七年

持統天皇。少名鸕野讚良。天智帝第二女。母遠智姬。右

丙戌歲九月九日踐祚

大臣倉山田石川麻呂女。為天武皇后。天武之稱。兵

也。常從行間。與定謀議。其即位立為皇后。至是臨朝

大津皇子反

聽政。○冬十月。皇子大津謀反。捕而賜死。○元年丁

正月。皇太子率百寮舉哀。○賜京師民高年及篤癯

貧困者絕綿有差。○秋七月。令諸國負債在乙酉以

前者莫收。息既役身者。勿量息役之。○十二月。為天

智帝。設法會於崇福寺。○二年戊子。詔極刑減罪一等。

始獻卯杖

輕罪悉赦。復諸國今年調賦之半。日本書紀 ○三年丑正

頒新令

月乙卯。大學寮獻杖八十枚。卯杖始于此。公事根源 ○夏

頒新令

四月。皇太子草壁薨。○新羅使來弔。○六月。頒新令

頒新令

二十二卷於諸司。○秋八月。點諸國正丁四分。為兵

頒新令

講習武事。○四年庚寅。春正月。天皇即位。大赦。賜鰥寡

頒新令

孤獨及耆老者。稻及布。○夏四月。詔定服色。八等。○

頒新令

秋七月。以皇子高市為太政大臣。丹比島為右大臣。

頒新令

○冬十一月。始行元嘉曆。與儀鳳曆。○五年卯春正

頒新令

月。始置女官。賜親王諸臣。內親王女。內命婦等位。

頒新令

○六年壬辰。春二月。帝幸伊勢。中納言三輪高市麻呂。

頒新令

始行元嘉曆與儀鳳曆。內親王及女王稱昉于此。

上表切諫其妨農事。又伏闕免冠切諫。皆不納。高市
辭官。免車駕所過諸國調役。賜國造冠位。○夏閏五
月。大水。遣使稟貸。遭災諸國。弛山林川澤禁。○七年
癸春正月。漢人奏踏歌。○三月。詔諸國勸植桑。苧。梨
栗。蕪菁。○冬十二月。遣陣法博士等講武諸國。又詔
令百姓服黃色衣。奴著皂衣。○八年甲午春三月。置鑄
錢司。○冬十二月。遷居藤原宮。日本書紀 ○十一年丁酉春

二月。立皇孫珂瑠為皇太子。續日本紀 時議儲。群臣各有
所主。久不決。葛野王進奏曰。皇朝之典。子孫相承。若
兄弟相及。亂之端也。有先太子之子珂瑠王在。誰敢

間焉。弓削皇子欲有言。葛野叱之。議遂定。葛野弘文
帝子也。懷風藻 ○秋八月。帝讓位。明年上尊號為太上
天皇。太上之號始于此。大寶二年十二月崩。壽五十
八。皇胤紹運錄 火葬。飛鳥岡。附檜隈大內山陵。

文武天皇。小名珂瑠。釋日本紀引 天武帝孫。岡宮天皇
草壁之子也。母元明天皇。○元年丁酉。踐祚於藤原宮。
神皇正統記 ○二年戊戌。夏五月。敕太宰府。修大野等三城。
○秋七月。始定笞法。禁游手博戲民。○三年己亥。夏五
月。流役小角於伊豆。續日本紀 小角。大和。菟原人。敏悟
博學。最好佛氏。韓國廣足。從學。害其能。誣妖惑衆。

僧道昭寂火葬
始此

大寶元年
文武帝五
年三月廿
一日改元

講新令

改官名位號服
色

乃捕徙之。○秋七月。多襪夜久。菴美度感人來貢。○
 四年_{庚子}春三月。僧道昭寂遺言火葬于栗原。火葬始
 于此。○夏六月。勅淨大參忍壁親王。藤原不比等撰
 律令。○冬十月。始置製衣冠司。○大寶元年_{辛丑}正月
 朔。帝御大極殿。受朝賀。蕃客陪位。文物之美大備。_元
 朝賀見孝德紀。大化二年。至
 是其禮大備。故此後不書。○二月。帝幸淨見原。大
 學寮釋奠先聖先師。其儀用唐開元禮。云釋奠昉于
 此。_{延喜}式。○三月。對馬貢金。因改元。○夏四月。始講新
 令。使諸王百官就習之。遣明法博士於六道講之。改
 官名位號服色。停賜位冠。易以位記。○五月五日。帝

始闢岐蘓道

慶雲元年
大寶四年
五月十日
改元
始鑄諸國印

觀五位以上調馬。○八月。律令成。三品忍壁親王等
 賜物有差。○是歲除田租調。○二年_{壬寅}春二月。始頒
 度量尋頒律令。○秋八月。多襪叛。遣兵討之。○十月
 詔旌奕世孝順者。門閭舉戶給復。○冬十二月。始闢
 岐蘓山道。○三年_{癸卯}正月朔。廢朝。遣使七道省察政
 蹟。申理冤枉。○以三品忍壁親王知太政官事。○慶
 雲元年_{甲辰}夏四月。始鑄諸國印。○六月。詔諸國兵士
 別分爲十番。每番教習十日。令條之外。勿與雜使。○
 二年_{乙巳}夏旱。大赦。免諸國調半。○五月。知太政官事
 忍壁親王薨。○秋。飢疫。遣使賑恤。給醫藥。○九月。以

重有髻髮之制

定田租法

六月十五日崩

二品穗積親王知太政官事。○十二月制曰天下婦女自非神部齋宮人及老嫗皆髻髮。○三年丙午秋九月遣使七道始定田租法。○十二月詔天下男夫脫脛裳一著白袴。○慶雲四年丁未夏六月天皇崩續曰本紀壽二十五懷風藻水鏡遺詔舉哀三日凶服一月火葬飛鳥岡葬大和檜隈安古山陵。

紀元一千三百六十八年

元明天皇小名阿閉天智帝第四子母姪娘右大臣石川麻呂女帝初為岡宮天皇草壁之妃文武帝崩群臣奉遺詔固請即位乃聽。○和銅元年戊申春正月武藏秩父郡獻銅因改元大赦賑耆老旌節孝免武藏

丁未歲六月十五日踐祚和銅元年慶雲五年正月十一日改元

禁私鑄錢

始置都亭驛

大安麻呂奏上古事記

始置出羽丹後美作大隅四國

今年庸本郡調。○八月改製銅錢文曰和銅開珍。○二年己酉春正月禁私鑄錢。○秋八月廢銀錢。○冬十月初文武有遷都志不果帝即位決議就役因詔比者遷都動搖百姓宜免今年田租。○三年庚戌三月徙都平城續曰本紀置左右京坊水鏡。○秋詔凡衛士尪弱緩急不足用專委長官簡黠勇敢每歲代易。○四年辛亥正月始置都亭驛續曰本紀。○十月勅依品位始定祿法。○五年壬子正月正五位上大安麻呂撰古事記成奏上。○九月始置出羽國。○六年癸丑夏四月割丹波五郡置丹後國割備前六郡置美作國割日向四郡置

國史各第一版
卷之一
元正
四十五
萬卷妻載版

作諸國風土記
大隅國○詔諸國作風土記○七年甲寅二月詔從六

位上紀清人正八位下三宅藤麻呂撰國史日本紀

史○八年乙卯夏五月詔諸國朝集使諸國百姓背本

貫規避課役者淹留踰三月者即土斷輸調庸當從

國法又詔諸國郡司治殿最為三等致百姓流亡十

人以上者解見任又定義倉出粟法○秋七月知太

政官事穗積親王薨○九月帝禪位於冰高內親王

養老五年十二月崩壽六十一葬大和奈保山東陵

式延喜

紀元一千三百七十五年

元正天皇諱冰高一名新家日本紀文武帝之姊也神

定義倉出粟法

九月三日

讓位

十二月七日

日崩

乙卯歲九月三日踐祚

靈龜元年

和銅八年

九月二日

改元

置和泉監

養老元年

靈龜三年

十一月十日

七日改元

令百姓右襟

始置按察使

識深沈言必典禮為內親王至是登祚改元○靈龜

元年乙卯秋九月尊先帝曰太上天皇○冬十月詔戒

諸國司勸農桑○二年丙辰夏四月割河內大鳥和泉

日根三郡置和泉監○養老元年丁巳秋九月帝幸美

濃觀多度山醴泉大赦旌孝義改元○二年戊午夏五

月割越前國四郡置能登國割上總四郡置安房國

割陸奧十一郡以六郡為石城國五郡為石背國是

歲敕右大臣藤原不比等修律令水鏡令○三年己未

春二月初令天下百姓右襟職事主典已上執笏尋

定婦女衣服制○夏六月令皇太子始聽朝政○秋

日本書紀成

封國之始

天平寶字

二年八月

以近江十

二郡追封

二月四日

讓位

四月廿一

日崩

紀元一千三百八十四年

七月始置按察使巡省諸國○四年庚夏五月先是詔一品舍人親王撰日本書紀至是成奏上○秋七月以舍人親王知太政官事○八月右大臣藤原不比等薨贈太政大臣諡文忠追封淡海公有四子武智麻呂稱南家房前稱北家字合為式部大夫稱式家麻呂為左京大夫稱京家○五年辛酉春二月免畿內調七道役○八年甲子春二月帝禪位於皇太子天平二十年四月崩壽六十九火葬佐保山陵後改葬大和奈保山西陵

聖武天皇諱首

皇胤紹運錄 諡號雜記

文武帝子也母夫人藤原

甲子歲二月四日踐祚

神龜元年

養老八年

二月四日

改元

改元

始置內匠寮中衛府渤海國始來聘

氏右大臣不比等女○神龜元年甲二月天皇踐祚改元尊先帝曰太上天皇益一品舍人親王封五百戶知太政官事如故○陸奧蝦夷叛詔以式部卿藤原宇合為持節大將軍討之令阪東九國兵三萬教習騎射○五月以從五位上小野牛養為鎮狄將軍鎮撫出羽○冬十月行幸紀伊詔改弱濱為明光浦○十一月太政官奏京師士民板屋草舍難營易破請五位以上及庶人力堪管辦者以瓦葺塗丹堊奏可是月宇合等還續日本紀○是歲始築多賀城多賀城碑○五年戊辰始置內匠寮及中衛府○渤海國始遣使來

天平元年

神龜六年

八月五日
改元

聘○天平元年己春二月殺左大臣長屋王續日王本紀

高市皇子之子公卿補任好文詩多交遊有告其謀不軌

發兵圍其第賜死○夏六月左京職獻龜背有文曰

天皇貴平知百年因改元○二年庚午夏四月始置皇

后官職施藥院○三年辛未冬十一月始置畿內總管

諸道鎮撫使○四年壬申春正月帝始冕服受朝○夏

旱秋發遣唐使續日本紀○五年癸酉秋七月始令大膳職

備孟蘭盆供著為恒典公事根源
濫觴抄○七年乙亥冬十一

月知太政官事舍人親王薨○是歲遣唐使還學生

吉備真備僧玄昉等偕歸獻曆樂書佛經等○九年

始置皇后官職
施藥院
置鎮撫使

始置國分寺

金光明護

國寺
法花滅罪

寺

誅
藤原廣嗣反伏

丁丑春正月遣持節大使藤原麻呂等於陸奧關直路

達出羽柵○三月詔每國造佛像三軀寫大般若經

一部續日本紀始置國分寺元亨釋書○秋九月以從三位鈴

鹿王知太政官事○十一年己卯冬遣唐副使平郡廣

成以渤海國聘使而還○十二年庚辰冬太宰少貳藤

原廣嗣伏誅先是僧玄昉有寵於太后還自唐詔賜

紫袈裟為僧正居之內道場古昔物語又有寵於皇后吉

備真備為中官亮不敢言廣嗣請誅二人帝不納使

廣嗣外任廣嗣妻有色玄昉欲姦之不可書告廣嗣

廣嗣大怒遂叛松浦社
緣記乃發五國兵一萬七千遣大

野東人等討之。廣嗣發兵一萬至板櫃川造筏欲濟。官軍先鋒佐伯常人發弩拒之。呼曰：從叛賊者誅三族。廣嗣下馬拜曰：非敢反。欲清君側耳。常人曰：矯詔發兵，非叛而何？廣嗣不能對。上馬退。其衆潰散。廣嗣奔松浦，擒斬之。及其弟綱手。○十三年辛巳正月始遷恭仁宮。勅名新京曰大養德。恭仁大宮。○十四年壬午正月廢太宰府。○秋造近江紫香樂宮。○十五年癸未冬置筑紫鎮西府。以從四位下石川加美為將軍。○十六年甲申春二月營難波宮。遷居焉。○十七年乙酉夏五月還平城。○六月復置太宰府。○秋九月知太政

廢太宰府置鎮西府

復置太宰府

官事鈴鹿王薨。○冬十一月配僧玄昉於筑紫檢造觀音寺。○天平感寶元年丑巳春二月陸奧守百濟敬福貢黃金。○夏四月天皇率皇后太子及百官行幸東大寺拜佛。改元。○以大納言藤原豐成為右大臣。○秋七月帝禪位於皇太子。帝篤崇佛法。敬信僧行基等。自稱三寶奴。又從唐僧鑑真。受菩薩戒。天平勝寶八歲五月崩。壽五十六。葬大和佐保山南陵。扶桑略記孝謙天皇諱阿倍聖武帝之女。母皇后藤原氏右大臣不比等之女也。○天平勝寶元年丑巳春二月大僧正行基寂年八十。遊履四方。教化衆生。造橋梁。修道路。

天平感寶元年

天平二十一年四月十八日改元

陸奧貢黃金

七月二日讓位

五月二日崩

紀元一千四百〇九年己丑歲七月二日踐祚

天平勝寶元年

天平感寶

元年七月
二日改元

菩薩號始于此

置紫微中臺

改年為歲

天平寶字元年

天平勝寶

九年八月
十八日改

百姓受其賜不少。敕賜菩薩號。元亨釋書賜菩薩號始于此。

○秋七月。踐祚改元。尊先帝曰太上天皇。始置紫

微中臺。○八月。以大納言藤原仲麻呂兼紫微令。○

四年壬辰春三月。禁天下今年殺生。○四月。行幸東大

寺。慶廬舍那佛大像。百官儀衛。一同元日。召僧一萬。

設齋會。續日本紀○六年甲午夏四月。行幸東大寺。受菩薩

戒。日本高僧傳○七年乙未春正月。改年為歲。○八歲丙申夏

五月。太上天皇崩。遺詔以中務卿道祖王為皇太子。

太子新田部親王子。天武帝孫也。○天平寶字元年

丁酉春三月。廢皇太子。○四月。立大炊王代之王舍人

元

橘奈良麻呂謀
廢立下獄

八月一日
讓位

紀元一千四百
百十八年戊

淳仁天皇諱大炊天武帝孫。崇道盡敬皇帝舍人第七

秋八月。傳位於皇太子。

處罪。貶豐成為太宰員外帥。○改歲復年。○二年戊戌

安宿王大伴古麻呂。小野東人大伴古慈悲等。鞠問。

奈良麻呂謀。廢立事。覺下獄。捕其黨黃文王道祖王。

仲麻呂任之。令掌內外諸兵事。○秋七月。左大辨橘

不順者。可配奧羽。○五月。始置紫微內相。以大納言

麻呂立為儲貳。右大臣豐成爭之不得。○詔古者治

民安國。必以孝。宜令天下家藏孝經一本。若有不孝

親王子。善大納言仲麻呂。得其女。寡居者。為妃。故仲

戊歲八月一日
踐祚

改易官制

子也。母夫人當麻氏。上總守當麻真人老女。○天平寶字二年戊戌秋八月踐祚。奉尊號於上皇。曰上臺寶字。稱德孝謙皇帝。尊太后曰中臺。天平應真仁正皇太后。○勅紫微內相藤原仲麻呂等。改定官制。太政官為乾政官。三大臣曰大師。大傅。大保。大納言曰御史大夫。中衛。大將曰大尉。紫微。中臺為坤官。官以仲麻呂為大保。賜姓名惠美押勝。○冬十月。勅國司。交替以六年為限。加舊制二年。每至三年遣巡察使。檢校治績。○十二月。勅太宰府嚴海防。小野田守使渤海還。以奏唐有安祿山之亂也。○三年己亥夏六月。追

鑄金銀銅錢

光明皇后崩

令筑紫七國造
鑄刀弓箭

尊皇考曰崇道盡敬皇帝。○冬置授刀衛。○四年庚子春正月。以大保惠美押勝為大師。○二月鑄新錢。金錢文曰開基勝寶。銀錢曰太平元寶。銅錢曰萬年通寶。○六月。天平應真仁正皇太后崩。太后諱安宿媛。法諱光明。諱以下據東大寺要錄篤信佛教。嘗勸聖武帝。每國造國分寺。又造金銅大像。又置悲田施藥二院。以恤餓病者。云。○五年辛丑秋七月。以巡察使奏。令筑紫七國造鑄刀弓箭。以修警備。○十月。以修平城宮。徙在近江保良宮。○十一月。以惠美朝鴉為東海道節度使。百濟敬福。南海道使。吉備真備。西海道使。點船三

廢儀鳳曆行大
行曆

百九十四艘。兵四萬七百。習騎射陣法。○六年壬寅夏六月。太上天皇召五位以上於朝堂。詔曰。國家大事。賞罰。二柄。朕親決之。小事。啓天皇。○七年癸卯春正月。渤海來貢。○二月。新羅貢調。卻之。○秋八月。廢儀鳳曆。行大行曆。○九月。以僧道鏡為少僧都。道鏡弓削氏。先是入內道場。有寵於上皇。帝屢以為言。故與上皇有隙。○八年甲辰秋九月。押勝謀反。伏誅。初。押勝得上皇寵。及道鏡入侍。寵稍衰。乃諷上皇為都督兵事。使用乾政官印。徵諸國兵士。將誅道鏡。幽上皇。大外記高丘比良麻呂。密上變。上皇遣少納言山村王。收

押勝反伏誅

詔復官名

十月九日
廢位
十月廿三日
日崩

鈴印。詔削押勝官位。族姓遣兵守三關。其夜。押勝奔近江。官兵直取田原路。先至。燒勢多橋。押勝不得進。遂趨高島。奉鹽。燒王為主。上皇敕藤原藏下麻呂將兵討之。押勝乘船逃。風逆。還。二尾為官軍所獲。斬鹽燒王。亦被殺。○詔復官名。召還藤原豐成。復為右大臣。以僧道鏡為大臣。禪師。○冬十月。上皇遣兵部卿和氣王等。發兵圍中官院。初。帝因押勝得立。及押勝見誅。上皇以帝為其黨。與至是。廢帝為淡路公。帝惶遽。不及衣履。步至圖書寮西北。受宣。詔徙淡路。幽之一院。天平神護元年十月。公不勝幽憤。踰垣。逃。為追

兵所獲明日崩於院中。續日壽三十三。神皇正統記。寶龜

三年八月。改葬淡路國三原郡。九年三月。救墓名山

陵。續日。明治三年七月。追諡淳仁天皇。史要。

稱德天皇。孝謙重祚。既祝髮歸佛。至是再臨朝。○天平神護

元年巳春二月。改授刀衛為近衛府。始置內廐寮。○

八月。參議兵部卿和氣王謀反。伏誅。粟田道麻呂大

津大浦。石川永年等。坐其黨。遠竄。○閏月。以道鏡為

太政大臣。禪師令文武百官拜賀。○十一月。右大臣

豐成薨。○鑄錢。文曰神功開寶。○二年丙午冬十月。授

太政大臣。禪師道鏡法王位。○神護景雲元年。丁未春

紀元一千四百二十五年

乙巳歲十月九日再祚

天平神護元年寶字九年

正月七日改元

道鏡為太政大臣禪師

神護景雲元年神護三年

八月十六日改元
崇孔子以文宣王諡

和氣清麻呂奏
宇佐大神神語

二月。帝幸大學。釋奠。○二年戊申秋七月。勅崇孔子。用

文宣王諡。初大學助教膳臣大丘。如唐見其諡號。請

用之。從之。○三年己酉夏五月。放不破內親王於京外。

流水上。志計志麻呂於土左。有告其呪詛者。故得罪。

○秋八月。詔遣從五位下和氣清麻呂於宇佐官。先

是太宰府。主神阿曾麻呂。阿諛道鏡。託神勅。上言曰。

禪位道鏡。天下大平。因有此命。道鏡召見。語以禍福。

清麻呂出遇其友路豐永。豐永曰。子此行所係極大。

勉旃。道鏡得天位。吾當與子從。伯夷游耳。清麻呂曰。

吾生死以之。便還奏神語。曰。開闢以來。君臣分定矣。

八月四日崩

敢萌非望者速加誅戮。道鏡大怒，斥為矯誣，更姓名別部穢麻呂，謫之大隅，使人殺之。途會救使來，獲免。在于配所，參議藤原百川愍其忠烈，分俸資給。○十月，幸飽浪宮，遂幸由義宮。○四年_{庚戌}八月，天皇崩于西宮。先是幸由義宮，覺聖躬不豫，既歸不見群臣，百有餘日。至是竟不痊，帝深信佛教，營作伽藍，屢興力役。國用不足，政刑峻急，殺戮濫加。在位前後合十六年。崩年五十三。葬大和高野山陵。

紀元一千四百三十年庚戌歲八月四日踐祚

光仁天皇諱白壁，天智帝之孫。春日宮天皇施基第六子也。母紀氏，贈太政大臣諸人之女。天平勝寶以來，

貶僧道鏡召還和氣清麻呂

寶龜元年

景雲四年

十月一日改元

阿倍仲麻呂卒于唐

國家無儲副，押勝道鏡相繼竊弄威權，忌害忠良。帝時歷官，納言寬仁為衆所歸，因懼禍及，縱酒自晦。及先帝崩，大臣奉迎，遂登祚。○秋八月，貶僧道鏡為造下野藥師寺別當，流其弟弓削淨人及淨人子廣方等於土佐。○九月，召還和氣清麻呂。○冬十月，改元寶龜。大赦天下，賑贍孝義及高年厄窮者，免天下今年田租。○十一月，追尊皇考曰春日宮天皇。○是歲阿倍仲麻呂卒于唐。仲麻呂，中務大輔船守子也。性聰敏，年十六，選為遣唐留學生，更姓名曰朝衡，遂仕于唐。續曰：玄宗授左補闕，至祕書監。唐勝寶中，藤原

廢皇太子

清河至唐玄宗命仲麻呂接伴及清河還仲麻呂欲
 與歸王維李白等贈以詩遇颶風漂泊安南後與清
 河復至唐日本紀略參據日本高僧傳王維集李白集古今集為左散騎常侍
 安南都護累遷北海郡開國公唐書然思歸不止嘗望
 月為歌後世傳為絕唱至是而卒古今集抄○二年辛亥春
 正月立他戶皇子為皇太子○三年壬子春正月渤海
 來貢以表文無禮卻之○夏五月廢皇太子為庶人
 ○四年癸丑春正月立皇子中務卿山部親王為皇太
 子續日本紀先是以井上內親王為皇后以其所生皇子
 他戶為太子皇后聖武帝女自帝為親王降為妃妃

割諸國公廩費
 益京官俸祿
 稱天皇生日為
 天長節

年方盛而帝春秋高以故頗淫縱帝斥之后怨望參
 議藤原百川以其巫蠱事奏廢之并廢太子親王有
 賢名百川欲立之公卿中頗有異議帝意未決百川
 執奏數日不退終得敕裁水鏡○三月天下穀貴議定
 常平法遣使七道糶穀賑民其賤賣私稻者授位○
 五年甲寅秋蝦夷叛敕鎮守將軍大伴駿河麻呂討之
 ○六年乙卯秋先是京官祿薄不免饑寒國司利厚故
 衆望外任割諸國公廩四分一益京官俸祿○九月
 勅曰十月十三日是朕生日每至此辰感慶兼集宜
 內外百官賜脯宴仍名此日為天長節○七年丙辰免